

凡例

- 一、本書集釋篇各篇摘錄趙岐註採用四部叢刊初編縮本《孟子》趙註，朱子《集註》以北京中華書局新校標點本《四書集註》為據，焦循《正義》則用北京中華書局新校標點之《孟子正義》。
- 二、德川日本及李朝朝鮮註孟者為數甚多，各篇〔日韓註疏〕僅以舉擧幾家為要，舉其精華，條札於各段經文之後，以便參考。
- 三、〔札存〕係平日讀書筆記，偶有一得，皆加札記，以備省覽；或就歷代注孟言論有所商兌，其一時未能有所定論者，則存之以俟後日。
- 四、〔新詮〕係就平日理會覩索心得，在歷代註疏之外，特就思想史立場別立新見，其於疏通孟學，或有涓埃之助，覽者亦或有所取焉。
- 五、各篇均係初稿，率爾刊佈，以就教於高明，至於踵事增華，補苴闕漏，請俟異日。

第二篇

《孟子》知言養氣章集釋新詮

前　　言

《孟子·公孫丑章句上》第二章〈知言養氣〉章，是《孟子》全書七篇二百六十一章中，義蘊極為豐富，面向最為廣袤的篇章。本章反覆討論治氣養心之術，對心與氣之關係、氣與形之關係等古代思想史之重大課題，析論精微，曲暢旁通，確為先秦儒學史之重要文獻。自東漢趙岐（A. D. ?-210）以降，歷代中日韓學者註疏《孟子》者無慮百家，闡孟釋孟疑孟非孟而形諸文字者不計其數，而對〈知言養氣〉章施以註解，闡發義蘊者，則如夏夜繁星，指不勝屈矣。

孟子之學生於憂患，亦成於憂患。孟子痛世事之多艱，念生民之迷妄，以恢宏之氣勢，提振人性之尊嚴，使頑廉儒立，自作主宰。余覩索〈知言養氣〉章，誦讀諸家註疏，反覆吟味再三。前脩註孟，雖有勝義紛披，抉發幽微者；然亦不乏僾侗不諳，大義未明者也。孟子知言養氣之意，餘義尚可發揮。是以自不量力，奮其私智，嘗草成〈朱子對孟子知言養氣說的詮釋及其迴響〉一文（《清華學報》，卷18期2，1989年），於孟子養氣說之思想史意義及朱子之解釋，妄欲有所論述，以就教於高明。斯篇之作，意在綜羅各家，去蕪存菁，為之集釋；並踵事增華，隨處就管見所及，補苴前賢舊說，勒成新詮，期於孟學精義之闡發，貢其愚者之得，以俟後之君子。

斯篇簡擇前脩，以後漢趙岐（A. D. ?-210）、南宋朱子（A. D. 1130-1200）及清代焦循（里堂，A. D. 1763-1820）三家為主，蓋亦有說焉。趙岐註為存世《孟子》註之最古者，阮元（A. D. 1764-1849）〈孟子注疏校勘序〉

云：「趙岐之學以較馬鄭許服諸儒，稍爲固陋，然屬書離辭，指事類情，於詁訓無所戾，七篇之微言大義，藉是可推。」（《孟子》，十三經注疏本，臺北：藝文印書館影印清嘉慶二十年江西南昌刊本，〈孟子注疏校勘記序〉，頁15）趙註長於名物訓詁、古事地望等，然於孟學精義，頗有闕漏，朱子以「趙岐孟子，拙而不明」爲病（黎靖德，《朱子語類》，中華書局新校標點本，第四冊，卷51，頁1218），陸象山（九淵，1139-1193），亦以「趙岐解孟子，文義多略」爲憾（《象山全集》，四部備要本，卷34，頁10，上——11，下），蓋良有以也。朱子畢生理會《四書》，綜羅註唐疏並北宋諸老於一爐而冶之，卓然自成一家之言，對近六百年來東亞儒學影響闊深，本篇特闢專欄採擇朱子集注，蓋取其在近世東亞儒學史之重要性也。雖然，朱子本《大學》解孟子，於孟學大經大脈之處頗有所歧出，故本篇亦在〔日韓注疏〕及〔札存〕〔新詮〕各節，隨處就管見所及對朱註有所增補商榷。焦循《孟子正義》引說詳贍，考證駁博，取資於清儒札記者爲尤多，就資料之掌握言，確有超邁前賢，勝於舊註者，故本篇以專節酌採焦氏《正義》，補漢宋註疏之不足。但是，焦循囿於清儒陋見，漢宋門戶之見殊深，《正義》屢申詁訓明而義理明之旨，於趙註曲予迴護，焦氏之言曰：「但疏明訓詁典籍，則趙氏解經之意明而經自明。」（《孟子正義》，四部備要本，卷6，頁19上）《正義》疏解孟子，以訓詁解經義，常不能免於私見橫議，望道而未之見也。本篇抄錄趙岐、朱子、焦循三家，爲之焦釋之餘，亦旁搜密察，擷取德川日本及李朝朝鮮儒者釋孟言論之平正踏實，立說之中肯可喜者，別爲〔日韓注疏〕一欄，庶幾借他山之石，收攻玉之效也。

集 釋 新 詮

公孫丑問曰：「夫子加齊之卿相，得行道焉，雖由此霸王不異矣。如此，則動心否乎？」孟子曰：「否。我四十不動心。」

〔趙岐章句〕

丑問孟子，如使夫子得居齊卿相之位，行其道德，雖用此臣位，而輔君行之，亦不異於古霸王之君矣。如是，寧動心畏難，自恐不能行否邪？丑以此爲大道不易，人當畏懼之，不敢欲行也。

孟子言禮四十強而仕，我志氣已定，不妄動心，有所畏也。

〔朱子集註〕

…設問孟子，若得位而行道，則雖由此而成霸王之業，亦不足怪矣。任大責重如此，亦有所恐懼疑惑而動其心乎？四十強仕，君子道明德立之時。孔子四十而不惑，亦不動心之謂。

〔焦循正義〕

《淮南子·主術訓》云：「雖愚者不加體焉」，高誘注云：「加，猶止也。」《呂氏春秋·慎人篇》云：「胼胝不居」，高誘注云：「居，止也。」加、居並有止義，故轉注加亦猶居也。《說文》云：「家，居也。」家通嘉，桓公《公羊》、《左傳》「家父」，《漢書·古今人表》作嘉父是也。嘉亦通加，《詩·行葦》箋云：「以脾臍爲加」，故謂之嘉是也。加之猶居，又家之假借也。

《大戴禮·王言篇》云：「道者，所以明德也」。…賈誼《新書·道德篇》云：「道者，德之本也。」故經言行道，趙氏以行道德解之，《毛詩》：「君子陽陽，右招我由房」，傳云：「由，用也。」趙氏斷雖由此三字爲句，以此字指卿相之位，故云用此臣位，輔君行之，行卽行道也。云不異於古霸王之

君，是解異爲同異之異。公孫丑倒言之，注順解之也。近解不異，謂雖從此而成霸王之業。不足怪異。

「四十曰強而仕」。《禮記·曲禮》上篇文孔氏正義云：「強有二義：一則四十不惑，是智慮強；一則氣力強也。」《呂氏春秋·知分篇》云：「有所達則物弗能惑」，高誘注云：「惑，動也。」然則強卽不惑，不惑卽不動，故引以釋不動心也。惟智慮氣力未能堅強，則有所疑惑。疑惑則生畏懼，故以動心爲畏難自恐也。顧氏炎武《日知錄》云：「凡人之動心與否，固在其加卿相行道之時也。枉道事人，曲學阿世，皆從此而始矣。我四十不動心者，不動其『行一不義，殺一不辜，而得天下，有不爲也』之心。」

〔日韓注疏〕

丁茶山《孟子要義》卷1曰，不動心三字乃三古以來，居大位當大任者頭一件題目。公孫丑游於聖門深知此義，故發問如此。特以諸情之中，恐懼之情最難裁制，故不動心者以無懼爲首。此孟子所以歷言北宮黝、孟施舍之所守，曾子、子襄之所言，以明無懼之義。其實不動心，不止於無懼而已。至若先儒之言，恐非本旨，何也？我之大德有足以受大任行大道，則自當無懼。我之才德本自不足，君子宜逡巡退縮，以讓賢路，豈可強求其無懼乎？況惑與不惑，繫於知識，知所不及，安得不惑？孔子稱四十不惑，孟子稱四十不動心，故朱子遂以不動心爲不惑，然經所云不動心非謂是也。古人稱定大事、決大議，垂紳整笏，不動聲色，而措天下於太山之安，一問一答，當以是求之。

西島長孫《讀孟叢鈔》卷3引《困勉錄》曰，北宮以必勝爲主，孟舍以無懼爲主，曾予以理直爲主，孟予以知言養氣爲主，告子冥悍強制爲主，皆可以不動。

冢田峰《孟子斷》卷上，不動心者，不墮獲於貧賤，不充謁於富貴，得之而不喜，失之而不懼，行藏安命者也。其及乎去齊，三宿濡滯，而有不豫色，亦可謂不動心乎哉。而今之辯，從不動心，以論黝舍之勇。從二子之勇，以論曾子子夏，皆似支離。

伊藤仁齋《孟子古義》卷2，孟子言我年到四十，自不動心。蓋知言養氣，故自不恐懼疑惑，以動其心也。

中井履軒《孟子逢原》第2，動心，惟因恐懼也。若疑惑，固無嫌也已。註家以孔子不惑傳會焉。故在此解。進德人人有遲速，雖聖賢，亦不得以年慨之。四十不動心，是孟子自點檢而知之，不當泛作年格。若孔子四十不惑，不當援引傳會焉。且不動心工夫，前聖所未發，而孟子所獨也。焉得攀孔子。但孔子則自不動，若桓魋其如我何，可以見矣。但不別用工夫。此不得並論。

〔札存〕

本段要義在〈四十不動心〉一句，疏釋如下：

(一)「四十」泛指成德之年，未可拘泥爲年歲確數也。朱註：「四十強仕，君子道明德立之時。孔子四十而不惑，亦不動心之謂。」執「四十」之數爲年格，似稍嫌局滯，元人陳天祥《四書辨疑》指朱註闕失云：「果如此說聖賢之不動心，必須四十，然後能之，顏淵猶爲未能也。告子之不動心，既先於孟子，則是在四十以前此又當作何說也？四十彊而仕，止是言年方彊壯可以入仕之時耳。道明德立，能不動心，非皆必在此時也。孔子自言三十而立，乃是心已立定不動之道已了，非直事事不惑，然後方爲不動也。我四十不動心，本言自己實然之事，非指年例而言也。」(《四書辨疑》，通志堂經解本，卷10，頁3上)日本儒者中井履軒云：「四十不動心，是孟子自點檢而知之，不當泛作年格」，可謂得其正解。按古人以四十爲成德之年，《論語·爲政篇》：「四十而不惑」。〈子罕篇〉：「四十、五十而無聞焉，斯亦不足畏也已。」〈陽貨篇〉：「年四十而見惡焉，其終也已。」然則，就當時禮俗而言，《禮記·曲禮上》曰：「人生十年曰幼，學；二十曰弱，冠；三十曰壯，有室；四十曰強，而仕；五十曰艾，服官政。」孫希旦《禮記集解》引戴溪語曰：「聖人制禮以律天下，壯者服其勞。老者安其逸。未用者無躁進之心，當退者無不知足之戒，每十年爲一節，而人心有定向矣。愚謂二十而冠，三十有室，四十而仕，五十服官政，亦制爲大限如此耳。喪服有爲夫婦之長殤，又有大夫爲昆弟之長殤，則大夫士之冠婚，未必皆至於二十三十；而材德秀異者，其爲士大夫，亦有不待四十五十者矣。」是四十爲成德之時，禮俗如此，未必真爲四十整數也。元人陳澔亦以爲：「古者四十始命之仕，五十始命之服官政。仕者，爲士以事人，治官府之小事也。服官政者，爲大夫以長人，與聞邦國之大事者

也。才可用則使之仕，德成乃命爲大夫也。」（《禮記集說》卷1）循此理路，四十治官府之小事，逮德成乃命爲大夫；要在「成德」，四十五十之殊，孰爲先後，不必深論。如戴溪所言「亦制爲大限如此」。按古五十始衰，故《禮記·王制》以「養老者自五十以上」。孟子亦以「五十者可以衣帛」（《梁惠王上》）爲王道之始，朱註：「五十始衰，非帛不煖」是也。人生大限，四十關連綦重，孔子乃曰「年四十而見惡焉，其終也已」，「四十、五十而無聞焉，斯亦不足畏也已」，故本段孟子所云「四十」之數，乃就人生境界之大體言之，未可拘泥也。

（二）「不動心」之要義在「心」之自主性(autonomy) 與自發性(spontaneity)。趙岐以「有所畏」釋「動心」，似尚有一間未達。朱子、焦循皆以「不動心」爲「不惑」，其說自成理路。《呂氏春秋·知分篇》云：「有所達則物弗能惑」，高誘注云：「惑，動也。」乃引以釋不動心也。惟智慮氣力未能堅強，則有所疑惑。疑惑則生畏懼，故以動心爲畏難自恐也，顧炎武《日知錄》云：「凡人之動心與否，固在其加卿相行道之時也。枉道事人，曲學阿世，皆從此而始矣。我四十不動心者，不動其行一不義，殺一不幸，而得天下，有不爲也之心。」（焦循，《孟子正義》卷6）其說可通。然則，「不動心」是否即爲「不惑」，此尚斟酌之餘地。先秦孔門所謂「不惑」皆指人生之一境界。《論語·爲政篇》：「四十而不惑」，朱註：「於事之所當然，皆無所疑，則知之明而無所事守矣。」《子罕篇》：「知者不惑，仁者不憂，勇者不懼。」朱註：「明足以燭理，故不惑。」《顏淵篇》，樊遲問「崇德、脩慝、辨惑」，朱子引范氏曰：「感物而易動者莫如忿，忘其身以及其親，惑之甚者也。惑之甚者必起於細微，能辨之於早，則不至於大惑矣。」凡此所言，指皆修德之境界也。然則，除「不惑」之外，另有其他修養方法亦臻於「不惑」之境。德川時代日本儒者西島長孫《讀孟叢鈔》引《困勉錄》云：「北宮以必勝爲主，孟舍以無懼爲主，曾予以理直爲主，孟予以知言養氣爲主，告子冥悍強制爲主，皆可以不動。」其說蓋是。所以，告子亦可達於不動心之境，孟子故曰：「告子先我不動心」；北宮黝、孟施舍養勇亦是。不惑可達不動心之境，不動心者（告子之流等）未必不惑也。動惑之別，一字之差，不可輕易滑過。以不動即

不惑，似稍嫌狹隘也。「不動心」要在「心」一字上，應在心之存有本質及其狀態申論。「疑惑」、「恐懼」殆心對外在事物感應之一態，動疑為動搖、竦動之意。張南軒《南軒孟子說》云：「蓋不動心，未必盡聖賢之蘊也。雖然不動心則同，而所以不動則異。孟子以集義為本，告子則以義為外，故孟子則心體周流，人欲不萌，而物各止其所者；在告子，則力制其欲專固凝滯，而能不動者也。」（《南軒孟子說》，通志堂經解本，卷1，頁4下）孟子「不動心」之要義乃在於「心」之「自主性」與「自發性」，故孟子「不動心」之結果雖與告子同，然其所以致此之方則截然不同也。

〔新詮〕

孟子之學經緯萬端，內外交輝，然歸其本於心學。本段言「四十不動心」，重點不在「四十」，亦不在「不動」，而在於「心」。《孟子》全書「心」字凡一一九見，〈知言養氣〉章肇始，孟子即自述「四十不動心」，最能顯示孟子言「氣」說「言」，均本乎「心」。德川時代日本儒者伊藤仁齋云：「孟子之學，其要在存心養性，而知言即存心之功，養氣即養性之功也。蓋知言則心存，心存則智明，智明則放言之是非邪正，自無所迷惑，故知言為存心之功。」（伊藤仁齋，《孟子古義》，卷2，頁56）又說：「蓋孟子所謂心者，指良心而言，其曰思則得之，不思則不得者，亦言得仁義與否耳，非徒言心也。後世儒者不知由仁義禮智之德而修之，亦無奈心之出入起滅，變現萬端何，故以收攝精神為存心，而無欲主靜持敬靜坐等說興，其說枯燥而無味，其法危殆而不安，遂使聖人之教，與佛老之教，混為一途，其害可勝言哉？」（同上卷6，頁256）其說極是。吾國陸王一系儒者均與孟子心學有密切關係。

孟子思想中之「心」不僅有其「自主性」、「自發性」，亦具有「同然性」（或「普遍性」）。孟子曰：「……口之于味也有同者焉，耳之于聲也有同聽焉，目之于色也有同美焉。至於心，獨無所同然乎？心之所同然者何也？謂理也義也。聖人先得我心之所同然耳。故理義之悅我心，猶芻豢之悅我口。」（〈告子上〉）換言之，孟子之「心」具有普遍必然性。「普遍」，因「心」之特質為人人所同有（所謂「人之異於禽獸者幾希？」者是也）；「必然」，因為人「心」乃一切價值意識之源頭，朱子註《孟子·盡心上》：「盡其心者，

知其性也」云：「心者，人之神明，所以具眾理而應萬事者也。」王船山云：「孟子於此看得我身之有心有氣，無非天理」（王夫之，《讀四書大全說》，臺北：河洛圖書公司，1974，卷8，1022）均係針對孟子之「心」之作爲價值意識來源而言。

孟子之「心」不僅具有普遍必然性，而且能够自由活動，具有自律性。牟宗三先生云：「依孟子，說自律（立法性）即從『心』說，意志即是心之本質的作用，心之自律即是心之自由，心始有活動義，心之明覺活動（無動之動）即自證其實際上是自由的，這實際上是自由的即是其客觀上是自由的（這客觀以理定）。心之明覺活動亦含有『智的直覺』在內，故能自證其爲自由。康德所說的『良心』之作用俱含在此明覺之活動中（知是知非之獨知），但不只是感受主觀條件（感受亦並非是感觸性的感受），且亦是道德之客觀基礎。這即是把康德所說的『良心』提上來而與理性融於一。此一既主觀而又客觀的『心即理』之心即吾人之性。」（牟宗三，《圓善論》，臺北：臺灣學生書局，1985，頁31）孟子之「心」既具有自律性，自亦必成爲一自由之主體，近人李明輝先生云：「（孟子云）『操則存，舍則亡』即所謂『思則得之，不思則不得』，皆指心之自作主宰的能力，亦即自由。孟子在此引孔子之言，雖是要強調存養工夫之可能必以道德之自由爲根據。朱注云：『孔子言心，操之則在此，舍之則失去，其出入無定時，亦無定處如此。……程子曰：心豈有出入，亦以操舍而言耳。』心非空間之物，豈能有出入可言？故程子（頤）以操舍言之，是也。心之出入即心之顯隱，或操存而顯，或舍亡而隱，此皆決於心之一念之間，其權柄全在心自身之能力。故此心爲一自由的主體，具有康德謂『自由底因果性』。」（李明輝，〈孟子與康德的自律倫理學〉，《鵝湖》期155，1988，頁12）其說極是。

曰：「若是，則夫子過孟賁遠矣。」曰：「是不難，告子先我不動心。」

〔趙岐章句〕

丑曰，若此，夫子志意堅勇過孟賁。賁，勇士也。孟子勇於德。孟子言是不難也，告子之勇，未四十而不動心矣。

〔朱子集註〕

孟賁血氣之勇，丑蓋借之以贊孟子不動心之難。孟子言告子未爲知道，乃能先我不動心，則此亦未足爲難也。

〔焦循正義〕

毛氏奇齡《逸講箋》云：「夫子過孟賁，非借之贊不動心之難，正以氣強之人，心有捍護，易於不動，故勇者多桀傲自逞，遺落一切，此正與養勇養氣相接入。」

《音義》引《揚子》曰：「請問孟軻之勇，曰：勇於義而果於德，不以貧富貴賤死生動於心。於勇也其庶乎。」

〔日韓注疏〕

中井履軒《孟子逢原》第2，白刃交胸，死生在一瞬，而顏色不變者，孟賁也。故以比擬耳。不必問其勇之出乎血氣與仁義可也。

〔札存〕

(一) 公孫丑以勇士孟賁比大儒孟子，殊屬突兀。清儒朱亦棟《孟子札記》云：「當是上字相同，故不覺呼之或出耳。又孟賁齊人，在齊言齊，則亦齊人之見也。」其說荒誕不可從。就文獻資料觀之，孟賁實爲古勇士之典型。

《漢書·東方朔傳》注引《尸子》云：「人問孟賁生乎？勇乎？曰勇；貴乎？勇乎？曰勇；富乎？勇乎？曰勇。三者人之所難能，而皆不足易勇。」是生、富、貴皆無易孟賁之勇。《後漢書·鄭太傳》注引《說苑》：「孟賁水行不避鯀龍，陸行不避虎狼，發怒吐氣，聲響動天。」又引《呂氏春秋》曰：「孟賁過於河，先其伍，船人怒，以楫虓其頭，不知其孟賁故也。中河，孟賁瞋目視船人，髮植日裂，舟中人盡播入河。」其勇有如此者。《漢書·翟方進傳》：「雖有孟育，奚益於敵。……」「君有孔子之慮，孟賁之勇，朕嘉與君同心一意，庶幾有成……」。1973年長沙馬王堆三號漢墓帛書《老子》甲本卷後附錄古佚書，龐樸訂名爲《五行篇》，〈經11〉〈說〉有「弗受于眾人，受之孟

賁」一句（見：龐樸，《帛書五行篇研究》，濟南，齊魯書社，1980，頁37）。是戰國至西漢人，均以孟賁為勇士之典型。公孫丑以孟賁比孟子，殆與此種背景有關歟？

勇為古代儒家君子成德條件之一。孔子答子路問成人（全人），曰：「若臧武仲之知，公綽之不欲，卞莊子之勇，冉求之藝，文之以禮樂，亦可以為成人矣。」又言其次焉，曰：「見危授命」。（《論語·憲問》）〈八佾篇〉：「君子無所爭，必也射乎？」；〈子罕篇〉：「吾何執？執御乎，執射乎？吾執御矣。」《禮記·射義》：「孔子射於矍相之圃，蓋觀者如堵牆」；《呂覽·慎大》：「孔子之勁，舉國門之關，而不肯以力聞」，孔子能射御，又有舉國門關之力，亦勇也。又觀孔門，《左傳》哀公8年，吳伐魯，「微虎欲宵攻王舍，私屬徒七百人三踊於幕庭」，「有若與焉」。哀公11年，齊伐魯，「冉求帥左師」、「樊遲為右」、「季氏之甲七千，冉求以武城人三百為己徒卒，老、幼守宮，次於雩門之外。」「冉求用予於齊師，故能入其軍。」至於子路之勇，《論語》屢言之也，哀公15年說其「結纓而死」，其勇可知。《史記·孔子世家》：「公叔氏以蒲畔，蒲人止孔子。弟子有公孺者」，「有勇力，謂曰：『吾昔從天子遇難於匡，今又遇難於此，命也已。吾與夫再罹難，寧鬪而死。』鬪甚疾。」是君子有勇。徐復觀先生說：「按《墨子·耕柱篇》有子夏之徒與墨子的一段爭論，而子夏之徒，是主張君子有鬪的。《韓非子·顯學篇》以漆雕氏之儒為『不色撓，不目逃』；且儒俠連詞者三。是子夏乃至先秦儒家，本皆重視勇。」（徐復觀，〈孟子知言養氣章試釋〉，收入：《中國思想史論集》，臺北：臺灣學生書局，1959，頁143）故孟子下又以北宮黝、孟施舍為例，言其皆「不動心」。但「僅在不動心這點上，還不能判定一個人的人格上的成就；主要看他係通過那種功夫而得到不動心的效果，同是不動心，因工夫的不同，而不動心的內容與所發生的作用也不同。」（同上註）故此三者皆在勇字著力，朱註以「黝蓋刺客之流」、「舍蓋力戰之士」，不知何據。

故孔子以為「勇者不懼」，朱註：「氣足以配道義，故不懼。」（《論語·子罕》）子路亦問夫子「君子尚勇乎？」子曰：「君子義以為上，君子有勇而無義為亂，小人有勇而無義為盜。」朱註：「君子為亂，小人為盜，皆以

位而言者也。」（〈陽貨〉）按「爲盜」非僅言偷盜財貨，如《荀子·修身篇》：「竊貨曰盜」。《左傳》襄公10年，「盜殺鄭公子驥、公子發、公子輒」。昭公20年，「盜殺衛侯之兄繁」。哀公4年，「盜殺蔡侯申」。哀公13年，「盜殺陳夏區夫」。今按《公羊》體例，「大夫弑君稱名氏，賤者窮諸人；大夫相殺稱人，賤者窮諸盜。」（文公16年）平民殺大夫曰「盜」也。故曰：「仁者必有勇，勇者不必有仁。」（〈憲問〉）《孟子·梁惠王下》，王曰：「寡人好勇」，孟子以「王請無好小勇。夫撫劍視曰：『彼惡敢當我哉！』此匹夫之勇，敵一人者也」。以下又言「文王之勇」、「武王之勇」。朱註引張敬夫曰：「小勇者，血氣之怒也。大勇者，理義之怒也。血氣之怒不可有，理義之怒不可無。知此，則可以見性情之正，而識天理人欲分矣。」《荀子·性惡篇》亦分「上勇」、「中勇」、「下勇」者，「天下有中，敢直其身；先王有道，敢行其意；上不循於亂世之民，仁之所在無貧窮，仁之所亡無富貴，天下知之，則欲與天下共樂之，天下不知之，則俛然獨立天地之間而不畏；是上勇也。禮恭而意儉，廢之，是中勇也。輕身而重貨，恬禍而廣解苟免；不恤是非，然不然之情，以期勝人爲意，是下勇也。」職是，公孫丑以爲「夫子過孟賁遠矣」，其要義不在不動心之先後；又孟子說「告子先我不動心」，當亦不必在時間上拘泥也。趙岐注曰：「告子之勇，未四十而不動心矣。」恐非。又毛奇齡《逸講箋》云：「夫子過孟賁，非借之贊不動心之難，正以氣強之人，心有捍護，故勇者多桀傲自逞，遺落一切，此正與養勇、養氣相接入。」（《孟子正義》引）似稍近孟子本意。

（二）告子其人事蹟及言論，見於本章及〈告子〉篇，亦見於《墨子·公孟》篇。趙岐云：「告子者，告，姓也；子，男子之通稱，名不害，兼治儒墨之道者，嘗學於孟子而不能純徹性命之理論。」（〈告子章句上〉趙注）焦循《正義》引翟灝《孟子考異》云：「告子仁內義外之言，遠本管子而近受自墨子。」又引《墨子·公孟》篇以爲係告子受教於墨子之證據。錢穆亦以爲「觀〈公孟篇〉所記二三子請棄告子，而墨子曰不可，則告子亦墨子弟子，墨子主尚同一義，而曰義自天出，此卽告子義外之說所本也。」（《先秦諸子繫年》上冊，〈墨子弟子通考〉，頁186）其說近之。

按儒門傳統均以告子爲學於孟子者，北宋徽宗政和5年（公元1115年）以孟子弟樂正克、萬章、公孫丑、陳臻、公都子、充虞、高子、徐辟、咸丘蒙、陳代、彭更、屋廬連、桃應、季孫、子叔，學於孟子者孟仲子、告子、滕更等三人從祠孟廟。清乾隆21年（公元1756年）禮部覆准，孟廟奉祠諸儒，去舊時候伯封號，改題先賢先儒，以符禮制，內樂正克、公孫丑、萬章、公都子等四人皆稱先賢某子，陳臻、屋廬連、陳代、高子、孟仲子、充虞、徐辟、彭更、咸丘蒙、桃應、季孫、子叔、浩生不害，益成括十四人稱先儒某子。其中浩生不害即告子。按《孟子》書中文獻記載，無法證明告子即爲其弟子，趙岐認爲告子「嘗學於孟子」，似嫌無據。

〔新註〕

儒家一貫之通義均在於以道德修爲促使原始生命理性化。焦循《正義》引《音義》引揚子云：孟軻之勇在於「勇於義而果於德，不以貧富貴賤死生動於心。」亦即以仁義轉化血氣之勇也。孟子承認「告子先我不動心」，其意蓋以爲，純以血氣之勇達到不動心之境界並不難，如孟賁、告子，乃至北宮黝、孟施舍均能以各種不同形式的血氣之勇達到不動心之境界。但孟賁這種人的不動心境界，基本上只是把客觀世界當作一個客體，而沒有把客觀世界與人的實踐活動連繫起來瞭解，孟賁等人的不動心，走的是「主客析離」的道路；但孟子的不動心，所走的是「主客交融」的道路，把外在世界視爲一個內外交輝的意義結構，這個意義結構必須通過人的實踐歷程才能被正確地掌握，在孟子系統中，血氣之勇已轉化爲道德之勇，所以物我一貫，內外交輝。宋翔鳳本《大學》解孟子之不動心云：「不動心，即大學之正心。不爲外物所誘，則心能正，如北辰之居其所。《尚書大傳》言其變幾微，而所動者大則居中，亦未嘗不動，不動者，不爲外誘所動耳。使北辰不動，則恒星不能周天；心而不動，則庶事不能就理。如告子之不動心，即莊周所謂槁木死灰，豈足以應萬事乎？」（宋翔鳳，《孟子趙注補正》，收入：《續經解四書類彙編（二）》，臺北：藝文印書館，1986，頁1611）以「不爲外物所誘」爲「不動心」，未及「心」與「外物」之辯證關係，似尚有一間未達。

曰：「不動心有道乎？」曰：「有。」

〔朱子集註〕

程子曰：「心有主，則能不動矣。」

〔日韓注疏〕

伊藤仁齋《孟子古義》卷2，道，猶方也，術也。凡不動心，亦有其方。或以勇而能，或以理而勝，故曰有。若聖賢之不動心，本道明德立，不必其不動，而自然不動，非術之所能及也。因丑問有道乎。故答之如此。

中井履軒《孟子逢原》第2，心有主，卽其所謂持敬而已矣。程子能以持敬不動心，斯亦可矣。然不可謂孟子亦只如此也。不然。孟子不知舉持敬，費許多辯論。似未得其要，豈其然哉。若程子，一言了之者，不須北宮、施舍之論矣。至浩然之氣，亦一言可了。何難言之有，可以見學各有工夫，言各有旨，不可混同作說也。

〔札存〕

何以不動心有道？這個問題必須先釐清「心」之本質。揆孟子之意，心有其自主性，故能不爲外物所動，《朱子集註》引程子曰：「心有主，則能不動矣。」其說甚是。伊藤仁齋云：「若聖賢之不動心，本道明德立，不必其不動，而自然不動，非術之所能及也。」伊藤之言，尤能切中孟子思想中「心」之自主性。職是，不動心之道亦必須得之於內省，而非求之於外物也。明人張岱（1597-1685?）《四書遇》云：「養氣非求之於氣，知言非求之於言。養氣者養心，知言者知心，此孟子之得於心者也。告子不得而勿求，兩不得處，其心早已動矣。告子只論求不求，孟子只論得不得。」（張岱，《四書遇》，杭州：浙江古籍出版社，1995，頁399）王夫之《讀四書大全說》卷8：「見義內省，豈斤斤之明足以察之哉？以無私之仁體藏密之知，故自喻其性之善，而灼然見義之至定于吾心。」二氏之說，均可互參。船山所謂「灼然見義之至定于吾心」，以今語釋之，指吾人之心具有「自我立法」之能力，故價值意識之覺醒實不假外求，我固有之也。所謂「不動心之道」，指此而言。劉殿

爵先生嘗指出，孟子在先秦哲學之大貢獻，乃在於突破道德源於天命之舊說，彰顯人之道德內在之特質，亦即以「自我立法」(self-legislation)取代「外在天命」(external divine command)。（見：D. C. Lau, "Theories of Human Nature in Mencius and Shyuntzy," *Bulletin of the School of Oriental and African Studies*, 15, 1953, pp. 541-565。引文見 p. 551）近人李明輝先生亦云：「孟子亦承認這樣一種能立法的道德主體，即所謂『本心』；而仁、義、禮、智均是本心所制定的法則，非由外面所強加。其性善義必須由道德主體之自我立法去理解。」（李明輝，〈孟子與康德的自律倫理學〉，《鵝湖》期155，1986，頁10），其說甚是。

北宮黝之養勇也，不膚撓，不目逃，思以一豪挫於人，若撻之於市朝。不受於褐寬博，亦不受於萬乘之君。視刺萬乘之君，若刺褐夫。無嚴諸侯。惡聲至，必反之。

〔趙岐章句〕

北宮，姓。黝，名也。人刺其肌膚，不爲撓卻。刺其目，目不轉睛逃避之矣。人拔一毛，若見捶撻於市朝之中矣。褐寬博，獨夫被褐者。嚴，尊也。無有尊嚴諸侯可敬者也。以惡聲加己，己必惡聲報之，言所養育勇氣如是。

〔朱子集註〕

刺，殺也。嚴，畏憚也。言無可畏憚之諸侯也。黝蓋刺客之流，以必勝爲主，而不動心者也。

〔焦循正義〕

翟氏灝《考異》云：「《韓非子·顯學篇》云：『漆雕之議，不色撓，不目逃，行曲則違於臧獲，行直則怒於諸侯，世主以爲廉而禮之。』按韓非所稱漆雕氏之議，上二語與此文同，下二語與曾子謂子襄意似。其漆雕爲北宮黝歟？抑子襄之出於漆雕氏也？韓言儒分爲八，有漆雕氏之儒，漢志儒家有《漆

離子》十二篇，其書久亡，無能案驗矣。」

顧氏炎武《日知錄》云：「若撻之於市朝，即《書》所言『若撻於市』。古者朝無撻人之事，市則有之。《周禮·司市》：『市刑：小刑憲罰，中刑徇罰，大刑扑罰』，又曰：『胥執鞭度而巡其前，掌其坐作出入之禁令，凡有罪者，撻戮而罰之』是也。…其謂之市朝者，《史記·孟嘗君傳》：『日暮之後，過市朝者，掉臂不顧』，《索隱》云：『言市之行列，有如朝位，故曰市朝。』」……嚴字連諸侯，謂可尊敬之諸侯。黝心目中蔑視之，無有可尊敬之諸侯，故云：無尊嚴諸侯可敬者也。……《爾雅·釋詁》：「育，養也。」故以育釋養。《禮記·中庸》：「萬物育焉」，注云：「育，生也。長也。」養育勇氣即是生長勇氣。養勇即是養氣。但孟子之氣，以直養而無害，則為善養。黝等之氣，不以直養，則不善也。善在直其氣，所以不同也。

〔日韓注疏〕

中井履軒《孟子逢原》第2，刺客者，間諜之類。大抵掩人之不備，潛行戕賊，其事卑辱，蓋黝之所恥為也。註泥刺字，遂評黝為刺客之流，大失之。黝主不屈，而不顧死生，如此而已。刺亦無必勝之理，註必勝，無所當。

〔札存〕

(一) 市朝即市，古代市之行列如朝位，故曰「市朝」。古代城邦皆有市，作為經濟交易中心，多由遠古時代不定期之市演變而為定期市集，古代中國城邦有市，希臘城邦有 *agore* (參見：Victor Ehrenberg, *The Greek State*, New York: W. W. Norton Company, Inc., 1960, p. 21)，皆為交易中心，《孟子》〈公孫丑下〉：「古之為市也，以其所有易其所無者。」是也。古代城邦政府在市集置有司以徵稅，孟子曰：「古之為市也……有賤大夫焉，必求龍斷而登之，以罔市利，人皆以為賤，故從而征之。征商自此賤大夫始矣。」(〈公孫丑下〉)然孟子王道之理想在於「市廛而不征，法而不廛，則天下之商皆悅而藏於其市矣。」(〈公孫丑上〉)按孟子所云「」實為古來共同理想，屢見載籍，《管子·五輔篇》：「關幾而不征，市廛而不稅。」《禮記·王制》：「古者，公田籍而不稅，市廛而不稅，關幾而不征。」所言雖未必即為古代社會實情，然可反映古典作者之理想也。

古代城邦之市，既爲交易場所，則人聲嘈雜，龍蛇雜居，當可想見。李雅各（James Legge）及劉殿爵（D. C. Lau）均將本章「市朝」譯爲“market place”，至爲允當（見：James Legge tr., *The Work of Mencius*, Oxford at the Clarendon Press, BK. II, pt. 1, ch. II, p. 186; D. C. Lau tr., *Mencius*, Vol. 1, The Chinese University of Hongkong Press, 1979, 1985, p. 55）朱子對古代之「市」有詳細說明，《朱子語類》卷 53：「問：『此市在何處？』曰：此都邑之市。人君國都如井田樣，畫爲九區，面朝背市，左祖右社，中間一區，則君之宮室。宮室前一區爲外朝，凡朝會藏庫之屬皆在焉。後一區爲市，市四面有門，每日市門開，則商賈百物皆入焉，賦其廛，謂收其市地錢，如今民間之舖面錢。蓋逐末者多，則賦其廛以抑之；少則不廛，而但治以市官之法，所以招徠之也。市官之府，如《周禮》司市平物價，治爭訟，譏察異服異言之類。市中惟民乃得入，凡公卿大夫有爵位及土者皆不得入，入則有罰。如『國君過市，則刑人赦，夫人過市，則罰一幕；世子過市，則罰一繩；命夫、命婦過市，則罰一蓋帷』之類。左右各三區，皆民所居。而外朝一區，左則宗廟，右則社稷在焉。此國君都邑規模之大概也。」在此種各色人種麇集而至，販夫走卒吆喝之聲不絕於耳的市集之中，受撻於市朝，其爲奇恥大辱當可想見也。此孟子所云北宮黝「思以挫於人，若撻之於市朝」之歷史背景也。焦循《正義》引顧炎武云：「若撻之於市朝，即《書》所言若撻於市。古者朝無撻人之事。市則有之。」（《日知錄》卷 7，〈市朝〉）。按朝爲陳戶之所，《左傳》成公十七年，三郤將反，爲長魚矯所殺，「戶諸朝」。襄公 19 年，「齊內亂，光殺戎子，戶諸朝」。市則有撻人之事，《周禮·司市》：「市刑：小刑憲罰，中刑徇罰，大刑扑罰。」又曰：「胥執鞭度而巡其行，前掌其坐，作出入之禁令，凡有罪者，撻戮而罰之是也。」又撻，極辱之刑也。《白虎通·五刑篇》：「刑不上大夫者，據禮無大夫刑，或曰撻笞之刑也。」其是否以撻笞爲大夫之刑，容或有議。（杜正勝，〈古代刑獄雜考〉，收入：《中國史新論》，臺北：傅樂成教授紀念論文集編委會，1985）然市爲公開之所，撻笞爲士大夫所不齒，若撻之於市朝，辱之極矣。朱註以爲北宮黝「蓋刺客之流」，中井履軒以爲大失經文原意，蓋是。

(二) 趙岐註：「褐寬博，獨夫被褐者」，泛指古代社會之貧賤者。焦循《正義》引《詩·七月篇》：「無衣無褐，何以卒歲」，《箋》云：「人之貴者無衣，賤者無褐，是褐爲賤者所服。」上言褐寬博，下言褐夫，則褐寬博卽衣褐之匹夫，故云獨夫被褐者。褐寬博，蓋當時有此稱也。《老子》云：「聖人被褐懷玉」。按褐衣，用枲卽粗麻編制之衣。《孟子·滕文公上》注：「褐，枲衣也。」《史記·季布傳》，季布逃亡，「迺髡鉗」，「衣褐衣，置廣柳車中」。《留侯世家》：「有一老父，衣褐，至良所，直墮其履圯下」。皆貧賤者之衣服。雲夢睡虎地秦律「金布律」：「囚有寒者爲褐衣，爲帷布一，用枲三斤。爲褐以枲衣：大褐一，用枲十八斤，直六十錢；中褐一，用枲十四斤，直二十六錢；小褐一，用枲十一斤，直三六錢。」（《睡虎地秦墓竹簡》〈秦律十八種〉）其中對褐衣大小、用料，價錢皆有記載，可爲補充。又寬、博，皆寬廣意也。

〔新詮〕

(一) 關於北宮黝達到「不動心」境界的方法，孟子說是：「不虧撓、不目逃，思以一毫挫於人若撻之於市朝。不受於褐寬博，亦不受於萬乘之君……」北宮黝可說是憑藉尚未加以理性化的血氣之勇以拒斥外在環境，以此達到他「不動心」的境界。先秦孔門原不排斥「勇」，認爲見義不爲無勇也。孔子並以智、仁、勇爲達德（《論語·子罕》），只是強調原始生命力而來的血氣之勇必須加以理性化（「子曰：好勇疾貧，亂也……」《論語·泰伯》）、《韓非子·顯學篇》：「漆雕之議，不色撓，不目逃，行曲則違於臧獲，行直則怒於諸侯，世主以爲廉而禮之」，同篇：「……自孔子之死也……有漆雕之儒……」，《韓非子·顯學篇》所見「漆雕之儒」養勇的方法與《孟子》所說北宮黝近似，很可能北宮卽爲漆雕氏之儒，是古代儒者的一派。焦循《孟子正義》亦云：「其漆雕爲北宮黝字歟？」梁啟超亦云：「黝疑卽漆雕氏之儒……蓋儒家實有此一派，二者殆皆儒家者流也」見：梁啟超，〈韓非子顯學篇釋義〉，收入：氏著，《諸子考釋》（臺北：臺灣中華書局，1986年臺三版，頁40）里堂及梁任公之說均可成立。

孟施舍之所養勇也，曰：『視不勝，猶勝也。量敵而後進，慮勝而後會，是畏三軍者也。舍豈能為必勝哉？能無懼而已矣。』

〔趙岐章句〕

孟，姓。舍，名。施，發音也。施舍自言其名則但曰舍。舍豈能為必勝哉，要不恐懼而已也。以為量敵少而進，慮勝者足勝乃會，若此畏三軍之眾者耳，非勇者也。

〔朱子集註〕

會，合戰也。舍自言其戰雖不勝，亦無所懼。若量敵虜勝而後進戰，則是無勇而畏三軍矣。舍蓋力戰之士，以無懼為主，而不動心者也。

〔焦循正義〕

翟氏灝《考異》云：「古人二字名，或稱一字，如紂名受德，書但稱商王受。曹叔名振鐸，國語但稱叔振。晉文公名重耳，左傳但稱晉重；魯叔孫氏名何忌，春秋經定六年但稱忌。孟施舍不嫌其自稱舍也。」

〔日韓注疏〕

中井履軒《孟子逢原》第2，施是緩聲，與孟之反之同。緩緩以東上下者，不當作發語聲。不勝，謂其勢不敵，必不可勝也。是先戰量度者，與下文量敵慮勝，正相對，非既戰之事。註，戰雖不勝，失之，舍之意，以懼為法，不懼為勇，皆在戰先。此在將帥亦然者。未見力戰士之證，且量進慮，非戰賤士所擅，註謬耳。

〔札存〕

孟施舍：閻若璩《釋地又續》云：「原趙氏之意，以古人二字名，無單稱一字者，今曰舍，則舍其名也。古未見有複姓；孟施舍，則孟其姓也，遂以發音當施字。不知發音在首，如吳曰句吳，越曰於越。若在中，則語助多用之字，未聞以施字者。且孔子時魯有少施氏，安知孟施非少施一例乎？」翟灝《孟子考異》：「古人二字名，或稱一字，如紂名受德，書但稱商王受；曹

叔名振鐸，《國語》但稱振叔；晉文公重耳，《左傳》但稱晉重；魯叔孫氏名何忌，《春秋》經定6年，但稱忌，孟施舍不嫌其自稱舍也。」元人陳天祥云：「以施舍爲名，則不牽強。『舍豈能爲必勝』，字上，本合有施字，蓋傳寫之脫漏也。」（《四書辨疑》，通志堂經解本，卷10，頁4，上）近人斐學海先生以為以上諸說均未安：「古人名字並言者，皆先字而後名。王引之謂孟施舍是名舍字施，其說最爲允當。施舍二字連文，見於《周禮》〈司徒〉，而《左傳》尤屢言之。古人名字相應，故名舍字施。惟是孟施舍之名字，若取《周禮》所言之義，則『施』當讀爲『弛』，弛舍者，免繇役之謂也，此義在《春秋名字解詁》已詳矣。」（斐學海，《孟子正義補正》，臺北：學海出版社，1978，頁56）按「弛」「施」，古字通。《周禮》〈天官·小宰〉：「六日斂弛之事」。《注》：「杜子春弛讀爲施」。〈地官·小司徒〉：「凡征役之施舍」。鄭注：「施，讀爲弛」。〈地官·鄉師〉：「辨其可任者，與其施舍者」。注：「施舍，謂應復免，不給繇役」。《左傳》成公18年，「施舍已責」。《釋文》：「施舍如字。一音始鼓反。」《周禮·小宰》：「六日斂弛之聯事。」清《石經》施作弛。馮登府《國朝石經考》：「案杜子春弛讀爲施。《釋文》『斂弛』，劉本作施，音弛。杜作施。阮《校勘記》謂『本作施。劉音弛，從《注》讀，而人遂據以改《經》耳』。然考施弛古通字，《論語》『君子不施其親』，《釋文》作「不弛」。《後漢書·光武記》『將眾部施刑北邊』，《注》『施讀曰弛』，猶弛讀爲施。」王引之《經義述聞》禮記第十四說亦同。可與斐文相參。（陳槃，《漢晉遺簡識小七種》，「弛刑」條）

孟施舍似曾子，北宮黝似子夏。夫二子之勇，未知其孰賢，然而孟施舍守約也。

〔趙岐章句〕

孟子以爲曾子長於孝。孝百行之本；子夏知道雖眾，不如曾子孝之大也。

故以舍譬曾子，黝譬子夏，以施舍要之以不懼，爲約要也。

〔朱子集註〕

黝務敵人，舍專守己。子夏篤信聖人，曾子反求諸己。故二子之與曾子、子夏，雖非等倫，然論其氣象，則各有所似。賢，猶勝也。約，要也，言論二子之勇，則未知誰勝；論其所守，則舍比於黝，爲得其要也。

〔焦循正義〕

《史記·仲尼弟子列傳》云：「曾參，南武城人，字子輿，孔子以其能通孝道，故受之業，作《孝經》。」陸賈《新語》云：「曾子孝於父母，昏定晨省，調寒溫，適輕重，勉之於糜粥之間，行之於衽席之上，而德美重於後世。」是曾子長於孝也。《孝經》云：「孝，德之本也。」《論衡·書說篇》云：「實行爲德」。《周禮·師氏》注云：「德行內外之稱，在心爲德，施之爲行。百行之本，卽德之本。」《後漢書·江革傳》云：「夫孝，百行之冠，眾善之始也。」《顏氏家訓·勉學篇》云：「孝爲百行之首。」是也。《說苑》言子夏讀《易》；《尚書大傳》言子夏讀《書》；《韓詩外傳》言子夏讀《詩》；《新序》稱其論五帝師；《大戴禮記》稱其言《易》之生人，是知道眾也。《大戴禮記·曾子大孝篇》云：「夫孝者，天下之大經也。」是道雖眾不如孝之大也。北宮黝事事皆求勝人，故似子夏知道之眾。孟施舍不問能必勝與否，但專守己之不懼，故似曾子得道之大。約之訓爲要，於眾道之中得其大，是得其要也。下言大勇，是知得其要爲得其大也。

〔日韓注疏〕

西島長孫《讀孟叢鈔》卷3，……孟施舍似曾子。曾子之勇見于語子襄，業較著無疑矣。獨北宮黝似子夏，子夏在孔門未聞勇著。毋乃擬非其倫哉？偶見《韓詩》，得子夏之勇焉。子夏嘗與公孫涓論勇衛靈公之前，其言曰：「吾嘗與子從君而西見趙簡子，簡子披髮杖子而見我君，我從十三行後，趨而進曰，諸侯相見，不宜不朝服，不朝服，行人卜商將以頸血濺君服矣。使反朝服而見我君，子邪？我邪？涓曰：「子也。」子夏曰：「子勇不若我一矣。又與子從君東至阿，遭齊君重輶坐，我從十三行後，趨而進曰，禮諸侯相見，不宜相臨，以庶撫其一輶而去之者，子邪？我邪？」涓曰：「子也。」子夏曰：

「子勇不若我二矣，又與子從君圍中。于是兩寇肩逐我君，拔矛下格而還。子邪？我邪？」喟曰：「子也。」子夏曰：「子之勇不若我三矣。」北宮黝視刺萬乘之君，若刺褐夫，寔酷肖之，故曰北宮黝似子夏。

伊藤仁齋《孟子古義》卷2，子夏之勇未聞，恐當作子路。曾子之勇，所告子襄者是也。蓋子路務敵於人，曾子反求諸己。二子之勇，各有所似。然非所以擬之。丑嘗學問與聞聖賢之事，故孟子欲其易曉，而各配以告之歟。

中井履軒《孟子逢原》第2，子夏博文之士，亦孔門之選也。雖不敢謂之務外也。而比之曾子，自反內省之密。豈不亦有差等哉。子夏之與黝似也。正以其德業風味而言耳。若篤信聖人，非此取喻之意。舍之守己，與曾子務內，而不待於外相肖。黝之抗人，與子夏待物，而發光彩相似。

〔札存〕

孟子論北宮黝與孟施舍養氣方法之殊異後，繼以孟施舍比曾子，以北宮黝比子夏。何以如此比附？歷代注家說法不一。西島長孫以《韓詩》所見子夏之勇近似宮黝，尤屬穿鑿。朱子以爲孟子蓋「論其氣象」，中井履軒以爲，孟子之意蓋以四子之「德業風味」言之，其說較稱通達。

昔者曾子謂子襄曰：『子好勇乎？吾嘗聞大勇於夫子矣：自反而不縮，雖褐寬博，吾不惴焉；自反而縮，雖千萬人，吾往矣。』

〔趙岐章句〕

子襄，曾子弟子也。夫子，謂孔子也。縮，義也。惴，懼也。《詩》云：「惴惴其慄」。曾子謂子襄言孔子告我大勇之道：人加惡於己，己內自省，有不義不直之心，雖敵人被褐寬博一夫，不當輕驚懼之也。自省有義，雖敵家千萬人，我直往突之。言義之強也。

〔朱子集註〕

縮，直也。《檀弓》曰：「古者冠縮縫，今也衡縫」，又曰：「棺束縮二

衡三。」懦，恐懼之也。往，往而敵之也。

〔焦循正義〕

《禮記·投壺篇》注「奇則縮諸純」，《釋文》云：「縮，直也。」《廣雅·釋詁》云：「直，義也。」縮之爲義，猶縮之爲直。蓋縮之訓爲從，從故直。從亦順也，順故義；義者，宜也。趙氏既以義訓縮，又申之云「不義不直」，明義卽直也。…

《易傳》言，「驚遠而懼爾」，是驚懼義同。褐夫易於驚懼之；不懦，是不驚懼之也。謂不以氣臨之，使之懦懦也。王若虛《孟子辨惑》云：「不字爲衍。不然，則誤爾。」閻氏若璩《釋地三續》云：「不，豈不也。猶經傳中敢爲不敢，如爲不如之類。」此以懦爲自己驚懼。與趙氏異。王氏引之《經傳釋詞》云：「不，語詞。不懦，懦也。言雖被褐之夫吾懼之。」

〔日韓注疏〕

丁茶山《孟子要義》卷1，趙註大謬，而朱子因之也。吾不懦焉者，吾豈不懦焉也。上下節論無懼之法，皆我心之無懼也。敵人之懼與不懼，豈所問哉，自反而不直，敵雖寡弱，君子當恐懼自修，此大勇無懼之法」。

佐藤一齊《孟子欄外書》上帙，懦，恐懼也。許白雲曰：「恐懼之，是我去驚嚇他人。」

〔札存〕

(一) 曾子自謂「嘗聞大勇於夫子」，勇本爲古代儒家君子之德行，我在前文「若是，則夫子過孟賁遠矣」一句之「札存」(一)論之已詳。此處擬特別強調的是，儒門之勇固不可儼侗言之，朱子註《孟子·梁惠王》「寡人好勇」，引張敬夫曰：「小勇者，血氣之怒也。大勇者，理義之怒也。」極是。廣義言之，儒者之大勇乃配以道義，故能有「浩然之氣」，與血氣之小勇，固不可同日而語。陳天祥云：「仁者必有勇，勇者不必有仁。勇則亦有仁與不仁之分，不可一概而論也。仁者之勇，其氣固足以配道義矣；不仁之勇，何嘗顧於道義哉？勇之本體，無論仁與不仁，義與不義，皆能不懼。能不懼者，由其果於有爲也。君子之勇，果於有善，則能不懼；小人之勇，果於有惡，亦能不懼。其氣非皆足以配道義。」(陳天祥，《四書辨疑》，通志堂經解本，卷

5，頁15，上一下），論儒門大勇之義極精當。

(二) 「自反而不縮，雖褐寬博，吾不惴焉」一句，趙氏以「懼」訓「惴」，朱子亦云：「惴，恐懼之也。」如此，則「不惴」乃成「不恐懼」，文意不通，丁茶山《孟子要義》駁趙註及朱註良有以也。焦循引王引之曰：「不惴，惴也。言雖被褐之夫，吾懼之」，其說於義通達。近人宋淑萍亦云：「集註易趙注而釋『惴』爲『恐懼之』，恐亦是見出趙的不足解說經文。但朱未注『焉』字；『吾不惴焉』可讀爲問或直述句。王引之《經傳釋詞》第2：『焉，猶乎也。』《禮記·哀公問》：『君何謂已重焉？……君何謂已重乎』焉、乎互文。這裏經文『吾不惴乎』。如果讀爲直述句，則：金王若虛滹南遺老集孟子辨惑：『不字爲衍，不然則誤耳。』王恕石渠意見：『吾不惴焉，蓋吾亦惴焉之誤。』《經傳釋詞》第10：『不，詞也。孟子公孫丑篇曰：雖褐寬博，吾不惴焉。』三王說都可通，但王恕說法似較好。」（宋淑萍，〈孟子集註補正〉，《書目季刊》，第11卷第1期，1977年7月，頁68）。

孟施舍之守氣，又不如曾子之守約也。」

〔趙岐章句〕

施舍雖守勇氣，不如曾子守義之爲約也。

〔朱子集註〕

言孟施舍雖似曾子，然其所守乃一身之氣，又不如曾子之反身循理，所守尤得其要也。孟子不動心，其原蓋出於此。

〔焦循正義〕

勦以必勝爲強，不如施舍以不懼爲強。然施舍之不懼，但以氣自守，不問其義不義也。曾子之強，則以義自守，是爲義之強也。推勦之勇，生于必勝；設有不勝，則氣屈矣。施舍之勇，生于不懼；則雖不勝，其氣亦不屈，故較勦爲得其要。然施舍一以不懼爲勇，而不論義不義。曾子之勇，則有懼有不懼，一以義不義爲斷：此不獨北宮勦之勇不如，即孟施舍之守氣，亦不如也。

〔日韓注疏〕

廣瀨淡窓《讀孟子》公孫丑上，守約，勝人在外，不懼在內。在外者不可必，在內者可必，故曰守約。守氣，氣有盈虛，理無進退，守時變之氣，不若守常住之理。

伊藤仁齋《孟子古義》卷2，舍雖勝於黝，然其所守專在氣，而不如曾子自反而直之義強氣剛，爲自得其要也。曾子之事，雖非黝舍之比。然以理勝之，則不如道明德立，自然不動之爲至也。蓋孟子借之，以明以理勝之事，非曾子之極也，勿以辭害意可也。

中井履軒《孟子逢原》第2，舍比於黝，見其約也。然其守之以氣也。其所期在於義理，無假於氣也。守之約，不亦至哉。此就曾子之言而稱之。故曰曾子之守約也。非必以爲曾子之德也。

〔札存〕

曾子「守約」，朱子訓「約」爲「要」，謂曾子反身循理，所守尤得其要。宋儒真德秀推衍朱註之意云：「守約者，言其所守之得其要耳。非以約爲一物而可守也。」（真德秀，《孟子集編》，通志堂經解本，卷3，頁3下）朱註固可通，但以「守約」對「守氣」似不易安頓。王應麟曰：「周子靜爲學官小司成，襲蓋卿以守氣不如守約命題。子靜曰：『氣不與約字對，兩守字著略點，晦翁注甚明，豈可破句讀《孟子》。』」翁元折注云：「《朱子語類》：今人把守氣不守約，命做題目。此不成題目。氣是實物，約是半虛半實字，對不得。守約只是所守之約。言北宮黝之守氣，不似孟施舍之守氣之約，孟施舍之守氣，又不如曾子所守之約也。」（翁注《困學記聞》，卷8），近人宋淑萍云：「約，自可訓爲要；但集註所論實太迂曲，毛子水教授〈孟子集疏補正〉引明王恕石渠意見補缺：『意見以爲，守約蓋守氣之誤；觀下文『孟施舍之守氣』不如曾子之守約也』可知。不然，孟子何以既守約又守氣而又不如曾子之守約也與！」王恕這個意見，極爲可取。（王叔岷教授〈孟子校補〉亦以爲『守約當作守氣』。）當然，對古書我們不可輕易改動；但這裏的『守約』當作『守氣』，卻是很明顯的——下文即承『孟施舍之守氣』。於這種地方我們就不該拘泥墨守了。」（宋淑萍，〈孟子集註補正〉，《書目季刊》第11卷第1期，1977年6月，頁67）此說雖不無改字解經之嫌，然於「守約」二

字似較能安頓。

曰：「敢問夫子之不動心，與告子之不動心，可得聞與？」「告子曰：『不得於言，勿求於心；不得於心，勿求於氣。』不得於心，勿求於氣，可。不得於言，勿求於心，不可。」

〔趙岐章句〕

不得者，不得人之善心善言也。求者，取也。告子爲人，勇而無慮，不原其情。人有不善之加於己，不復取其心有善也，直怒之矣。孟子以爲不可也。告子知人之有惡心，雖以善辭氣來加己，亦直怒之矣。孟子以爲是則可。言人當以心爲正也。告子非純賢，其不動心之事，一可用一不可用也。

〔朱子集註〕

告子謂於言有所不達，則當舍置其言，而不必反求其理於心；於心有所不安，則當力制其心，而不必更求其助於氣，此所以固守其心而不動之速也。孟子旣誦其語而斷之曰，彼謂不得於心而勿求諸氣者，急於本而緩其末，猶之可也；謂不得於言而不求諸心，則既失於外，而遂遺其內，其不可也必矣。然凡曰可者，亦僅可而有所未盡之辭耳。

〔焦循正義〕

毛氏奇齡《逸講箋》云：「告子惟恐求心卽動心，故自言『勿求於心』，心焉能不動？裁說不動，便是道家之『嗒然若喪』，佛氏之『離心意識參』，儒者無是也。孟子平日，亦以存心求放心爲主，未嘗言不動。存心是工夫，不動心是效驗。心之本體，不能不動。學人用功，則不使不動，此不過以卿相王霸不櫛於心，直是得失不囂、寵辱不驚，一鎮定境界，故孟子自言不動心有道，則明有前事矣……。」

又云「不動心有養勇一道，皆以氣制心，而使之不動，此卽告子所云『求氣』也。有直養一道，則專以直道養其心，使心得慊然而氣不餒，此卽孟子所

云『持志』，告子所云『求心』也。是不動心之道，有直從心上求者，自反是也。有轉從心之所制上求者，養勇是也。曾子自反祇求心；北宮黝、孟施舍養勇，則但求氣；惟告子則不求心，并不求氣。大抵生人言行，皆由心出，言行得失，即與心之動不動兩相關合。假如心不得於言，則當求心。何則？言之陂淫邪遁，皆由心之蔽陷離窮所生，所云『生於其心』是也。則言有不得，毋論人之言與己之言，皆當推其所由生，而求之於心，此所貴乎知言也。而告子則惟恐動心，而強而勿求，又如行不得於心，則仍當求心。何則？志與氣本不相持，而轉相爲用。故以直養者言之，則自反而縮，使氣常不餒，則不間得心與不得心，而心自不動，此曾子與孟子求心不求氣也。以養勇者言之，則稍不得於心，惟恐心動，當急求之氣，以強制其心，此黝、舍之所『養勇』也，求於氣也。而告子則又但力制其心，而并不求氣。是既不能反，又不能養，舉凡心所不得，與不得於心，皆一概屏絕，而更不求一得心與心得之道，徒拘此冥頑方寸，謂之不動，此其所以卿相不驚，霸王不怪，有先於孟子者。蓋其自言有如此，不得於心而勿求於氣，則合當如是，故曰可也。生平既不能自反，直養無害，而一有不得，則又借此虛矯之氣，以爲心之制，此黝、舍之學，豈可爲法？且養氣能得心，不能強之制不得之心。自反而懦，行不嫌於心已耳，焉得有急急求氣之理？若心不得於言，則言爲心聲，心有所害，則正當在心上求。於此不急求，當復何時。故猶是心之不得與不得於心，而不求氣則可，不求心則不可，此斷斷然者。」

〔日韓注疏〕

丁茶山《孟子要義》卷1，不得於言，謂言有所跔；不得於心，謂心有不慊。告子以爲言有所跔，便當棄置，勿復求其故於吾心，所以自守而不動心。心有不慊，便當棄置，勿復求其驗於吾氣，亦所以自守而不動心也。告子之學，蓋不問是非，惟以不動心爲主。

西島長孫《讀孟叢鈔》卷3，蓋人有惡心有詐善其辭氣以欺我，我之心不爲之動，則能知其心而不惑於其詐故可也。若人本有善心，而言語之間不免暴戾，如鬻參之諫、先軫之唾是矣。我則但恕其言，不復能知其心故不可也。若是則告子所言勿求於心、不得於心，皆人之心，而告子之不動心，第於兩勿求見之。

廣瀨淡窓《讀孟子》公孫丑上，不得於言，言語失理也。不得於心，心動也。皆勇氣不足之所致。勿求於心，勿求於氣，謂言語就言語上制之，心思就心思上制之。

冢田大峰《孟子斷》卷上，心之與氣，不相離者，則心之所向，氣自隨之，故不得於心，勿求於氣者，可也。而人言則有巧拙、有信偽，而有與其心相違者，則言之所發，非心必隨之，故不得於言，勿求於心者，不可也，而諸註以爲己心己氣者，似不得焉。然此志氣之論，聖經之所無焉，無益於教者與。

伊藤仁齋《孟子古義》卷2，……告子意謂言外也，氣末也。故不得於言，而求之於心，則心固爲之動。不得於心而求之於氣，則心亦爲之動，但當堅制其心，而不可求助於外，以致之動也。

孟子旣誦告子之言，於是斷之而言。苟於心無所欠闕，則不可必求助於氣。故其曰不得於心、勿求其氣。雖未爲善，猶之可也。爲其急其而緩末也。至謂不得於言，勿求於心，則我心先與道離，其不可也必矣。非以不得於心、勿求於氣爲是。蓋以彼善於此也。

中井履軒《孟子逢原》第2……告子謂言有不中，宜在言上，更討論揀擇焉。不當以此推考心之邪正淑慝也。心有未能焉。勿假氣以濟之也。但拘束於耦對，意義不明暢。

〔札存〕

(一) 孟子與告子同臻不動心之境域，然其所以不動心之方法，則南轍北轍。孟子所循乃「主客交融」之途徑，而告子乃取「主客析離」之道路，二者殊不同科，我在「若是，則夫子過孟賁遠矣」一句之〔新詮〕(一)已作疏解，此處不贅。王陽明釋孟子與告子之不動心，最能探驪得珠。《傳習錄》卷上：尙謙問：「孟子之不得心與告子異」。先生曰：「告子是硬把捉著此心，要他不動。孟子卻是集義到自然不動。」又曰：「心之本體卽是性。性卽是理。性元不動。理元不動。集義是復其心之本體」。(陳榮捷，《王陽明傳習錄詳註集評》，臺北：臺灣學生書局，1983，卷上，陸澄錄(81條)，卷下：先生曰：「孟子不動心，與告子不動心，所異只在毫釐間。告子只在不動心上著功。孟子便直從此心原不動處分曉。心之本體，原是不動的。只爲所行有不合

義，便動了，孟子不論心之動與不動，只是集義。所行無不是義，此心自然無可動處。若告子只要此心不動，只是集義。所行無不是義，此心自然無可動處。若告子只要此心不動。便是把捉此心，將他生生不息之根反阻撓了。此非徒無益，而又害之。孟子集義工夫，自是養得充滿，並無餒歉。自是縱橫自在活潑潑地。此便是浩然之氣」。（同上書卷下，黃省曾錄，頁329-330）陽明先生以此心之「自然不動」釋孟子「不動心」，最稱允當。

(二) 告子「不得於言，勿求於心；不得於心，勿求於氣」的養勇工夫，實乃切斷「個人」與「社會」之有機關聯，大悖儒門一貫之傳統。儒家多主張「個人」與「社會」之間，有其相互依存性與相互滲透性，兩者不可斷為兩橛。告子之養氣方法，以強力制心，使之不動，焦循引毛奇齡《逸講箋》云：「裁說不動，便是道家之嗒然若喪，佛氏之離心意識參。」極能切中告子問題所在。徐復觀先生曰：「告子的不得於言，勿求於心，是對於社會上的是非得失，一概看作與己無關，不去管他，這便不至使自己的心，受到社會環境的干擾。他之所以如此，是與他的『義外』說有關，義是對於事情應當或不應當的判斷，及由此判斷而引發的行為。孟子的『義內』說，乃認為此判斷係出於吾人之内心，不僅判斷之標準為吾心所固有，否則不會作此判斷；並且以為吾心既有此判斷，即係吾心有此要求；人之行義，乃所以滿足吾心之出。」（徐復觀，〈孟子知言養氣章試釋〉，收入：氏著，《中國思想史論集》，頁147）。戴君仁先生曰：「『不得於言，勿求於心』，就是對於一種學說不了解，或辯不過，不管它，擋起來，不再在學說上推究，只求諸吾心。（勿字無義，可以去掉。）即是力制吾心，不為搖動。倘若心還是制不住而搖動，那就求之於氣，（不得於心勿求於氣，勿字亦無義，可去掉。）作氣以幫助制伏其心。告子這種辦法，不是循理使其心自然不動，而是硬把捉使其心不動，求助於氣，其病尙小，故孟子以為可；不顧理之是非而強制其心使不動，正與孟子知言集義相違，故孟子以為不可。」（戴君仁，〈「不得於言勿求於心不得於心勿求於氣」別解〉，《孔孟月刊》，第7卷第3期，1986年6月，11月，頁14），徐、戴二先生之說均通達。孟子之所以批評告子，乃因此為儒門大關鍵處，勞思光先生曰：「孟子所持為行學成德之教，不能主心事斷離之說。故謂『不得

於言，勿求於心，不可』，蓋講論有不得理或不得正者，正須求之於心志，以心正言，方是人文化成之精神。而所謂『不動心』者，正在於心志如理自在，非心與事隔之靜歛不動也。明乎此，則知孟子論『不動心』之本旨。」（勞思光，《中國哲學史》，第一冊，第三章），甚是。

〔新詮〕

(一) 「氣」為中國思想史之重要範疇，《易經·繫辭傳》曰：「故水火相逮，雷風不相悖，山澤通氣，然後能變化，既成萬物也。」在中國古代的宇宙生成論(Cosmogony)、宇宙論、生理學、倫理學、美學、軍事學等領域裏，「氣」都居於關鍵地位。歷來關於「氣」範疇之研究文獻甚多，以小野澤精一等人所編著《氣の思想——中國における自然觀と人間觀の展開》（東京：東京大學出版會，1978，1983）一書，析論最精。告子與孟子均言「氣」，然其內涵不同，元人朱公遷云：「告子言不得於心勿求於氣，告子之勿求者只是血氣之氣。孟子引來反覆說到浩然之氣乃是理義之氣。」（朱公遷，《四書通旨》，通志堂經解本，卷3，頁2，上）其說甚是。孟子思想中的「氣」範疇，在古代思想史上具有特殊地位，就其大體而論，孟子所謂「浩然之氣」係「理義之氣」，係就原始生命加以理性化以後所形成的磅礴的生命力，亦即孟子所謂「集義所生」者也。

孟子「氣」概念隱含其以整體性為特徵之人性論預設。孟子不像告子，把人與社會的有機關係斬斷；也不像荀子一樣，只強調人的社會性；更不像陰陽家者流只注重人的自然性。孟子視人為整體，在此一整體性中，存有與活動合一，生理與心理合一，個體也與社會合一，意念與行為更不可切而為二。當代漢學家析論孟荀人性論，嘗問：「孟子是否區分人性之類別？」（“Mencius n'établit-il aucune distinction au sujet du sing”？）（見：Galen E. Sargent, “Le d'ebat entre Meng-tsou et Sun-tseu sur la nature humaine”刊於 *Orien Extremus*, 3:1 July, 1956, pp. 1-17）這個問題固有分析上的價值，但孟子實無意僅就任何一側面論人也。

(二) 「治心養氣」係古代中國思想家共同關心的一大課題，史華慈(Benjamin I. Schwartz)近日所謂「共同論域」(“common discourse”)者是

也（見：Benjamin I. Schwartz, *The World of Thought in Ancient China*, Cambridge, Mass.: Harvard University Press, 1985, ch. 5, pp. 173-185）。這一「共同論域」至少包括以下幾個問題：

一、「氣」指何而言？「氣」能發揮何種作用？

二、「心」具有何種特質與功能？

三、「心」與「氣」是否有關係？如果有的話，是何種性質的關係？

中國古代思想家對於以上三個問題，討論精詳，勝義紛披。大略言之，古代中國思想史文獻所見之「氣」涵義甚廣，各家內容不同，然就其原始意義言，多指自然現象而言，而以《左傳》昭公元年醫和所提出的「六氣」說為最早。古代之「氣」範疇，在陰陽家者流手中，轉化為「占氣」、「望氣」之說，今傳世之敦煌殘卷《雲氣書》最可窺見其一斑；在道家者流手中，則有所謂「行氣」、「練氣」、「食氣」之說。《莊子》、《抱朴子》以及戰國晚期的「劍珌」銘文，均有這一方面材料；在兵家手中，則提出兩軍交戰之前，激勵士氣、鼓舞鬪志的「激氣」、「利氣」、「厲氣」、「鬪氣」、「延氣」之說。

《孫子兵法·軍事篇》云：「故三軍可奪氣，將軍可奪心，…故善用兵者，避其銳氣，擊其惰歸，此治氣者也。以治待亂，以靜待譁，此治心者也。」《孫臏兵法殘簡·延氣》篇云：「孫子曰：合軍聚眾，〔務在激氣〕。復徙合軍，務在治兵利氣。臨境近敵，務在厲氣。戰日有期，務在斷氣。今日將戰，務在延氣。…以威三軍之士，所以激氣也。將軍令…其令，所以利氣也。將軍乃…短衣絜裘，以勸士志，所以厲氣也。將軍令，今人入為三日糧。國人家為…〔所以〕斷氣也。將軍召將衛人者而告之曰『飲食毋…〔所〕以延氣…也。』」此與《左傳》所見曹刿論戰「一鼓作氣」之說一脈相承；在儒家者流手中，則有「養氣」之說，致力於原始生命的理性化，孟子「知言養氣」說貢獻最大。關於古代思想史所見的「氣」概念，近人研究成果甚多，另詳本篇所附之「引用書目」30至41條。

關於第二個問題——「心」的探討，先秦諸子自為說，家自為書，然溯其遠源，早期文獻如《尚書》《詩經》所見「心」字，涵義均甚為素樸，或指與物相對，作為自然義而言的「心」，如《詩經》〈邶風·柏舟〉：「我心匪

石，不可轉也」；或指感情而言，如《尚書·多方》：「爾心未愛」；〈泰誓〉：「我心之憂」；〈盤庚〉：「汝克黜乃心，施實德於民」；《詩經》〈召風·草蟲〉：「未見君子，憂心忡忡」；「我心則說」。〈檜風·素冠〉：「我心傷悲」等是。《論語》書中亦保留若干此種素樸之「心」的用法，如〈陽貨篇〉：「子曰：飽食終日，無所用心，難矣哉」，〈憲問篇〉：「有心哉，擊磬乎」。但孔子所說：「七十而從心所欲不踰矩」（〈爲政〉）、「回也，其心三月不違仁」（〈雍也〉），則已超越傳統用法，而含有價值意識矣。到了戰國時代，孟子則特別強調「心」的能動性。如「養心」、「盡心」、「存心」、「求其放心」之說，屢見於孟子言說之中，「心」在孟子思想中具有強烈的道德內涵，是人的價值意識的源頭，所謂「耳目之官不思而蔽於物，…心之官則思」（〈告子上〉）者是也。孟子之「心」與墨子、莊子、荀子均不同，而各得「心」之一面，善乎唐君毅先生之言：「綜而言之，則孟子之言性情心，墨子之言知識心，要皆在正面直指心之活動所向以言心；而莊荀之言心，則兼自心之正反二面看，乃有一般人心與常心或靈臺真君之心，中理之心與不中理之心之相對；而要在由修養之工夫，以達於此心之純一。孟子之德行，皆為直承性情心之充達而成；而莊子之道德之德，則由虛心、靜心、大心、洒心、釋心而得。…至荀子乃一本統類之心，仲尼為明分使羣之義，為政垂正理平治之義，言天地、君師、先祖為禮之三本。」（唐君毅，《中國哲學原論》，〈導論篇〉，香港：新亞書院研究所，1966，頁122-123）關於「心」的內涵，可參看：栗田直躬，《中國上代思想の研究》（東京：岩波書店，1984），頁28-74：〈『人』と『神』——上代シナの典籍に於いて——〉。

關於第三個問題，先秦各家多認為，「心」與「氣」之間存有有機聯結之關係，兩者不可斷為兩橛。如此一來，則發生二者孰先的問題。中國古代思想家肯定「心」的優先性的，為數甚多，如《管子·心術》：「心之在體，君之位也」；《淮南子·原道》：「夫心者，五藏之主也。所以制使四支，流行血氣，馳騁於是是非之境，而出入於百事之門戶者也。是故不得心而有經天下之氣，是猶無耳而欲調鐘鼓；無目而喜文章也。亦必不勝共任矣。」《淮南子·

人間》：「發一端，散無竟，周八 總一筦，謂之心。」孟子亦以為「氣」乃由「心」所發動，蘇轍（1039-1112）《孟子解》云：「是何氣也？天下之人莫不有氣，氣者心之發而已。」（蘇轍，《孟子解》，收入：《指海》第一集，守山閣叢書本，頁1，上半頁）。關於「氣」與「心」的關係，在此想特別加以說明的是，《莊子·人間世》：「無聽之以耳，而聽之以心，無聽之以心，而聽之以氣」這一段文字，強烈隱含對「氣」的優先性肯定，但值得注意的是，莊子在此所說的「氣」不是自然義的「氣」，而是超越義的「氣」，誠如楊儒賓先生所說：「這裏所說的氣顯然不是體氣的氣，它是種心體的妙用，接近於『神』的涵義。此種聽之於氣的心靈，它不是藉由感性（耳）去感知外物，也不是藉由理智（心）去認識外物，它是藉著神氣的流行，以接合形成外物的氣，由此接合，心物打能泯然無間。由神氣的流行以接各萬物之氣的流行即是『遊』，『遊』即是『遊乎天地之一氣』（〈大宗師〉），即是『遊心於物之初』（〈田子方〉），這裏所說的『天地之一氣』、『物之初』顯然都是指向了天地萬物經驗界的根源。『物之府』不會是時間的意義，而是經驗世界中的終極者。『遊』所代表的心靈是逍遙無待的心靈，藉由神氣的流行，通向流行於萬物的本源中的氣。」（楊儒賓，《先秦道家『道』的觀念的發展》，臺北：國立臺灣大學文史叢刊（77），1987，頁73）。整體而言，孟子對「氣」與「心」的關係的處理，包括兩個面向：第一是「氣」與「心」的統一，馬一浮先生曾解釋這一點說：「此志來至，則心不專直，其氣自小而餒，不能與天地之氣合，即不能與天地合其復。言氣志合一者，乃謂此專直之心，即全是天理，則吾身之氣，即浩然之氣，全氣是理，全人即天，故曰合一。…體用一原，顯微無間，氣志合一，即天人不二也」（《復性書院講錄》，臺北：廣文書局，1971，卷4，頁109）。孟子的養氣說，也就是使心理與生產活動達到統一的境界，而「氣」與「心」的統一之所以可能，乃因兩者間密切的互動；第二個面向則是「心」對「氣」具有優先性，不論在實然或廣然的層次上，或在發生程序上或理論內容上，都是如此。誠勞思光先生所說，孟子之意在於「生命情意廣受德性我之統率，故心志定其所向，而氣隨之，此即所謂『志至焉，氣次焉』。」（《中國哲學史》，頁107）。透過對「心」的優先性的堅持，

原始生命的理性化才能落實，孟子學中的儒家精神由此顯露無遺。

夫志，氣之帥也。氣，體之充也。夫志至焉，氣次焉，故曰：『持其志，無暴其氣。』

〔趙岐章句〕

志，心所念慮也。氣，所以充滿形體爲喜怒也。志帥氣而行之，度其可否也。

〔朱子集註〕

志固心之所之，而爲氣之將帥；然氣亦人之所以充滿於身，而爲志之卒徒者也。故志固爲而至極，而氣卽次之。人固當敬守其志，然亦不可不致養其氣。蓋其內外本末，交相培養。此則孟子之心所以未嘗必其不動，而自然不動之大略也。

〔焦循正義〕

《禮記·祭義》云：「氣也者，神之盛也。」《淮南子·原道訓》云：「夫形者，生之舍也。氣者，生之充也。神者，生之制也。夫舉天下萬物蚊蟻貞蟲蟬動跂作，皆知其所喜憎利害者，何也？以其性之在焉而不離也。忽去之，則骨肉無論矣。今人之所以眭然能視，聳然能聽，形體能抗；而百節可屈伸，察能分白黑、視醜美，而知能別同異、明是非者，何也？氣之充，而神爲之使也。」《論衡·無形篇》云：「形氣性，天也。生之舍，生之充，生之制，生卽性也。性情神志，皆不離乎氣，以其能別同異、明是非，則爲志以帥乎氣。萬物皆有喜憎利害，而不能別同異、明是非，則第爲物之性，而非人之性，僅爲氣而已。故喜憎、利害、視聽、屈伸，皆氣也。骨肉，則形體也。」…《淮南子·主術訓》，高誘注云：「暴，虐亂也。」《呂氏春秋·慎大篇》高誘注云：「持，守也。」持其志，卽曾子之守義，異乎孟施舍之守氣矣。…卽不妄以喜怒加人也。毛氏奇齡《逸講箋》云：「心爲氣之主，氣爲心之輔。志與氣不相離也。然而心之所至，氣卽隨之。志與氣，又適相須也。故但持其志，力求之本心，以直自守，而氣之在體，則第不虐戾而使之充周已耳。是不

求於心者，謂之不持志，無一而可。」

〔日韓注疏〕

丁茶山《孟子要義》卷1，志爲將帥，氣爲卒徒。朱子之義，不可易也。但志者，心之所之，此固然矣。氣之爲物，不可不覈。若以後世理氣之說，渾合言之，則大不可也。原夫吾人之所以生養動覺，惟有血氣二物，論其形質，血粗而氣精，血銳而氣銳。凡喜怒哀懼之發，皆心發爲志。志乃驅氣，氣乃驅血，於是見於顏色，達於四體。志者，氣之帥也；氣者，血之領也，故孔子論好色好鬪之理，兼言血氣，而孟子論不動心之理，單言氣，以氣之爲物，驅駕血液，其權力次於志也，故孟自注曰：「氣者體之充。」夫充於體者，何物？非他，氣也。是氣在人體之中。如游氣之在天地之中，故彼曰氣，此曰氣。總與理氣之氣不同。

伊藤仁齋《孟子古義》卷2，體，猶居移氣。養移體之體，指耳目四肢而言，所謂小體是也。其視聽動作，各是一事，而氣爲之總要，故曰體之充實者也。與《中庸》所謂今夫天斯昭昭之多，語意相類。暴，厲也。言不得於心，勿求於氣雖可，然有所未盡，故又言其本末相因次第以告之。言志者心之所存主，而爲氣之將帥，固不可不持焉。氣雖不若心之尊，然志至高者，其氣必怒，是於道有害。蓋志易過高，而難持久，故欲持之。其氣暴厲，則不能優遊饜飫而自成。故氣欲其無暴焉。此志之所以爲至極，而氣之次乏也。告子之言，不循其理，欲遽勝人。皆暴其氣之所致也。

中井履軒《孟子逢原》第2，體之充，謂至於手足指端，莫不充滿也。體字本義，不當作質幹之解，註身字未圓。

〔札存〕

(一) 「夫志氣之帥也」句中之「志」卽等同於「心」。趙氏註：「志，心之所念慮也」，朱子集註：「志固心之所之，而爲氣之將帥」。以「心」訓「志」，古昔均有其例。《國語·周語中》：「五味實氣，五色精心…」韋昭注：「味以實氣，氣以行志」，「心」與「志」可互通。張南軒《南軒孟子說》引程子曰：「心之所存爲志」(《南軒孟子說》卷2，頁7，上)，甚是。

(二) 「氣，體之充也」：

「氣」這個哲學範疇，義蘊豐富，各家用法涵義多岐，我在前文「不得於心，勿求於氣」一句之〔新詮〕（一）及（二）條，已作詳細疏解，指出陰陽家、道家、兵家、儒家對「氣」之用法各不相同，可並參。今再細覈古典，略申管見。古典所見「氣」之用法約含以下數義：（一）雲氣；（二）氣息；（三）血氣；（四）浩然之氣，各有不同之指涉對象與思想內涵，茲分論如下：

（1）氣，就古義言即指稀薄的雲，廣義言之，包括霧、虹、霓、暭、珥等天文現象。《說文》：「氣，雲氣也。」庚季才《靈臺秘苑》「氣」條云：「凡氣初似甌上，氣勃然上昇，氣積爲霧，霧積而陰，陰氣結爲虹、蜺、暭、珥之屬。」此種自然現象經陰陽家思想洗禮後，遂趨玄化。《漢書·天文志》「迅雷妖風，怪雲變氣，此皆陰陽之精。其本存地，而上發於天者也」，氣不僅與山川事物相通，亦與人相感應。《史記·天官書》云：「北夷之氣如羣畜穹閭，南夷之氣類舟船幡旗。大水處，敗軍場，破國之虛，下有積錢，金寶之上，皆有氣，不可不察。海旁蜃氣象樓臺，廣野氣成宮闕。雲氣各象其山川人民所聚積。」氣可謂無所不在。再者，觀氣以占妖祥。《史記·高祖本紀》：「秦始皇帝常曰：『東南有天子氣。』於是因東游以厭之。高祖即自疑，亡匿隱於芒、碭山澤巖石之間。呂后與人俱求，常得之。高祖怪問之，呂后曰：『季所居上，常有雲氣，故從往常得季。』」《史記·鄒陽傳》亦曰：「昔者荆軻慕燕丹之義，白虹貫日，太子畏之。」《集解》引〈列士傳〉曰「荆軻發後，太子自相氣，見虹貫日不徹，曰：『吾事不成矣。』後聞死事不立，曰：『吾知其然也。』」燕太子丹在荆軻去秦不久，觀氣而知事不成矣，以雲氣卜問休咎，係傳統天文學特色之一。《周禮·春官·眡祲》云：「掌十輝之法，以觀妖祥，辨吉凶。」鄭玄注引鄭眾曰：「輝，日光氣也。」〈保章氏〉亦有以「十二歲之相，觀天下之妖祥，以五雲之物，辨吉凶、水旱、降豐荒之祲象。」祲，鄭玄注謂：「陰陽氣相侵漸成祥者。」《左傳》襄公二十七年，晉楚相爭。伯夙謂趙孟曰：「楚氣甚惡，懼難。」杜預注：「氛，氣也。言楚有襲晉之氣。」昭15年，亦有「春，將禘於武公，戒百官。梓慎曰：『禘之日，其有咎乎？吾見赤黑之祲，非祭祥也，喪氣也，其在蒞事乎？』」杜預注：「祲，妖氣也。蓋見於宗廟，故以爲非祭祥也。氛，惡氣也。」《荀子·王制篇》亦

云：「相陰陽，占祲兆，鑽龜陳卦，主攘五卜，知其吉凶妖祥，偃巫破擊之事也。」《墨子·迎敵祠》云：「凡望氣，有大將氣，有小將氣，有往氣，有來氣，有敗氣，能得明此者，可知成敗吉凶。」

(2) 氣或爲氣息。《禮記·祭義》注：「氣謂呼吹出入者也。」《貞松堂三代吉金文存》有「劍珌」銘文，曰：「行氣完則畜，畜則神，神則下，下則定，定則固，固則明，明則長，長則退，退則天。天，其本在上；墜，其本在下。順則生，逆則死。」(王季星，〈行氣完劍珌銘文考釋〉；銘文中「完」、「退」二字，陳夢家釋爲「宀」、「憂」，(參見：陳夢家，〈五行之起源〉，《燕京學報》第24期，頁35-53)殆指由個人行氣(呼吸)修練，而達到生理結構變化，而長生健。《莊子·刻意篇》：「吹呴呼吸，吐故納新，熊經鳥伸，爲壽而已矣」，指此而言；吹呴呼吸，又可與天地之氣交流，《楚辭·遠遊》：「餐六氣而飲沆瀣兮，漱正陽而含朝霞」。食氣卻穀，有所謂「六氣」學說(饒宗頤，〈馬王堆醫書所見陵陽子明經佚說〉)。神仙家者流煉氣最終目的，要在回復到胎息狀態。《抱朴子·釋滯篇》「行炁(卽氣)…其大要者，胎息而已，得胎息者，能不以鼻口噓吸如在胞胎之中，則道成矣。初學行炁，鼻中引炁而閉之，陰以心數，至一百二十，乃以口微吐之，及引之，皆不欲令已耳聞其炁出入之聲，常令入多出少，鴻毛著鼻口之上，吐炁而鴻毛不動爲侯也。漸習轉增其心數，久久可以至千，至千則老者更少，日還一日矣。」是氣爲吹呴呼吸也。此其二。

(3) 氣，或言人之血氣。《論語·季氏篇》有「血氣未定」、「血氣方剛」、「血氣既衰」爲人生三境。朱註：「血氣，形之所待以生，血陰而氣陽也。」註文引范氏曰：「聖人同於人者血氣也，異於人者志氣也。血氣有時而衰，志氣則無時而衰也。」焦循《正義》曰：「《禮記·祭義》：『氣也者，神之盛也。』《淮南子·原道訓》云：『形夫考，生之舍也；氣，生之充也；神者，生之制也。夫舉天下萬物蛟蛇蟲蟻動跂作，皆知其所喜憎利害何也？以其性之在焉，而不離也，忽去之，則骨肉無論矣。今人之所以眭然能視，聳然能聽，形體能抗，而百節可屈伸，能分白黑視醜美，而知能別同異、明是非者，何也？氣之充而神爲之使也。』(焦循《正義》引)徐復觀以此「指人身

生理的綜合作用」，「換言之，氣即由生理所形成的生命力」（〈孟子知言養氣章試釋〉）。人的生命力經過理性洗禮後即所謂「浩然之氣」。故曰：「其爲氣也，配義與道，無是僥也」。由上得知，氣之義彌廣，既曰：「塞于天地之間」，又曰：「體之充也」，實貫通存有論與生理學而言之也。此其三。

除以上三義之外，孟子「浩然之氣」特指原始生命經理性化以後所產生的氣，涵義與以上三類迥然不同，細部討論另詳本篇「敢問何謂浩然之氣」句之〔新詮〕（一）。

〔易證〕

（一）孟子在這一句中所說：「氣，體之充也」這句話中的「氣」應是指生理意義的「氣」而言，亦即未經「集義」工夫的轉化，尙未能成爲「至大至剛」的「浩然之氣」之「氣」。這一句話與前文孟子批評「孟施舍之守氣，又不如曾子之守約也」一段，是一脈相承的。孟子所指孟施舍所守的「氣」亦就生理層面言，其涵義近似《論語·季氏篇》中，孔子所說君子三戒之「血氣」，朱子註孔子所說的「血氣」云：「血氣，形之所待以生者，血陰而氣陽也。」頗能說明「形」依「氣」而成這個現象，作爲「體之充」的「氣」是孟施舍所守的「氣」，是「血氣」，純就生理層面而言。孟子所說的這句話，與《管子·心術下》：「氣者，體之充也」涵義近似。

（二）關於「氣」與「形」（即「體」）之關係，係古代思想家思考之一課題。《莊子·知北遊》提出「氣」與「形」可以互相轉換的思想；孟子則強調「心」對「氣」（也因此是對「形」）具有優先性，故孟子的養氣說實即爲養心說。

「既曰志，至焉，氣次焉，又曰持其志，無暴其氣者，何也？」曰：「志壹則動氣，氣壹則動志也。今夫蹶者趨者，是氣也而反動其心。」

〔趙岐章句〕

孟子言壹者，…則志不通，蹶者相動。今夫行而蹶者，氣閉不能自持，故志氣顛倒。顛倒之間，無不動心而恐矣，則志氣相動也。

〔朱子集註〕

公孫丑見孟子言志而氣次，故問如此專持其志可矣，又言無暴其氣何也？壹，專一也。蹶，顛躡也。趨，走也。孟子言志之所向專一，則氣固從之；然氣之所以在專一，則志亦反爲之動。如人顛躡趨走，則氣專在是而反動其心焉。所以既持其志，而又必無暴其氣也。程子曰：「志動氣者什九，氣動志者什一。」

〔焦循正義〕

持其志使專壹而不貳，是爲志壹。守其氣使專壹而不貳，是爲氣壹。黝之氣在「必勝」，舍之氣在「無懼」，是氣壹也。曾子「自反而縮，雖千萬人，吾往矣」，是志壹也……陳組綏《近聖居燃犀解》云：「…丑問志氣既不相離，持志卽是養氣，何必又無暴其氣。志本不動，不壹則渙散無其帥，氣本周流，不動則枯槁無其充。故志可壹而氣不可壹，氣可動而志不可動，如無心而蹶，是所壹之氣也；而反動其心，非氣壹動心之明驗歟？此告子勿求氣可也。但既不得於心，則全不知持志之道耳。」按丑問夫子之不動心與告子之不動心，孟子述告子之言，以明告子之不動心有可有不可也。志至氣次，所以申言可不可之故。志帥氣以充體，志至而氣卽隨之而止，此勿求氣所以可，而勿求心所以不可也。求於心，卽持其志也。「毋暴其氣」，似又當求氣，故丑又問趙氏言丑問暴亂之氣云何是也。故孟子發明之，仍申明勿求於氣之可也。不得之，於心，有所逆於心也。斯時能持其志，則度其可否，而知其直不直、義不義，義則伸吾氣以往矣，不義則屈吾氣以退矣，此持志以帥氣之道也，志壹則動氣也。若不能持志，不度其可否，不問其直不直、義不義，而專以伸吾氣爲主，是氣壹也。此孟施舍守氣之道也，是不持志而暴其氣也。彼不論直義，而徒暴其氣，固以此爲不動心，而不知氣壹心轉，不能不動，故云「氣壹則動志」也。因舉一行顛蹶者以例之，行而顛蹶，…心且因之動矣。則可知徒任氣者，不能不動其心，此告子「不得於心、勿求其氣」，所以爲可也。然告子勿求於氣，並不求心，雖不暴其氣，而亦不持其志。則是屏心與氣於空虛寂滅，雖直與義所在，而亦卻而不前，視曾子自反而持其志者殊矣。雖不求氣而不可

不善養氣，求氣以爲養氣，是黝之養勇，舍之守氣，不如告子之勿求於氣也。不求氣而求心，以爲養氣，是曾子之自反，孟子之持志，乃爲善養氣也。施舍有氣無志，告子無志無氣，曾子、孟子以志帥氣，則有志有氣。施舍養氣而不善者也，告子不養氣者也，以氣養氣，則不善養；以心志養氣，乃爲善養。所養者氣，所以善養者心，心之所以善養者，在直與義，此孟子所以爲善養浩然之氣也。此上但言告子之不動心，未明孟子之不動心。故下文丑又問孟子何以長於告子也。

〔日韓注疏〕

廣瀨淡窓《讀孟子》公孫丑上，蹶者趨者：蹶趨之際，思惟道理不得，是心爲氣所動也。是氣也，猶曰是氣動也。若人狂於酒，亦以氣動心，酒不過動氣。然心隨而動，若病熟譖語亦然。

伊藤仁齊《孟子古義》卷2，壹，專一也。蹶，顛蹠也。趨，走也。孟子言持志專一，則必不及乎氣，故不免其動；守氣專一，則自不至乎志，故亦爲之動。而又申明氣壹動志之害曰，如人之顛蹠疾趨，專在於氣，而無所思慮，故心不免爲之繆亂，失其措置焉。由是觀之，不致養於氣，而任其自恣，則心不能不動亦如此。此氣之所以不可不養也。

中井履軒《孟子逢原》第2，顛仆也，以解蹶，爲過當。註顛字，並削之而可。註，氣專在是，未圓。宜言皆氣之盛者也。什九什一之分數，恐未當。凡飲食男女之欲，倏忽失其本心者，皆氣動也。其分數豈少少哉。

〔新詮〕

孟子所謂「浩然之氣」，係指人的原始生命經過理性化之後，「集義所生」的「氣」，此「浩然之氣」與原始素樸的自然之氣迥然互異。孟子所說的「浩然之氣」同時屬於存有意義的自然世界與創生意義的文化世界，它同時兼具有論與倫理學的內涵。就發生程序言，孟子「氣」的思想中倫理學先於存有論；就本質狀態而言，作爲生理意義的「氣」，也必須接受意志或理性的指導（「夫志，氣之帥也」）。因此，在孟子的「氣」思想中，倫理學的優先性乃是明確之事實，充分顯示其儒家性格。

就中國古代思想史中所見，不論是陰陽家的「望氣」「占氣」，或是神仙

家者流的「食氣」「行氣」，都不免於「明於天而不知人」。換句話說，「氣」範疇在陰陽家與道家手上的發展，都隱含著將人性等同於自然性的思想傾向。老莊齊萬物，同生死，透過自然秩序來看人間秩序，固無論矣；陰陽家者流占陰陽之氣，卜人世之吉凶妖祥，實亦已將人性自然化，將人間活動等同於自然變化。這種將人性等同於自然性的「氣」的概念，使人性中的理性內涵為之晦而不彰，也使人的主體性不復可識，從哲學立場言，這樣的「氣」的概念中的人性論預設，實在不能免於物化的危機。

相對而言，孟子的「浩然之氣」說強調生理意義的「氣」必須接受心理意義（以理性為特質）的「心」的指導，所以，孟子的「養氣」就實質意義而言，就是「養心」，陰陽家與神仙家所說的「氣」，只具有自然意義，而不具有人文涵義。但孟子的「氣」概念，則賦予具有自然性的人性以倫理的內涵，建立人的主體性。這種倫理內涵的賦予，使孟子的「氣」概念牽涉到從「應然」到「實然」的問題，使孟子所說的「集義」工夫成為絕對必要。孟學由此而彰顯儒學傳統中的人文精神，持重人文化成而不放任自然，免於「明於天而知人」的危機。我們可以說：從古人的「六氣」到孟子的「知言養氣」說，顯示了「天人合一」的思想從自然意義向人文意義的轉變。

「敢問夫子惡乎長？」曰：「我知言，我善養吾浩然之氣。」

〔趙岐章句〕

孟子云，我聞人言，能知其情所趨。我能自養育我之所有浩然之大氣也。

〔朱子集註〕

公孫丑復問孟子之不動心所以異於告子如此者，有何所長而能然，而孟子又詳告之以其故也。故言者，盡心知性，於凡天下之言，無不有以究極其理，而識其是非得失所以然也。浩然，盛大流行之貌。氣，即所謂體之充者。本自浩然，失養故餒，惟孟子為善養之以復其初也。…則有以配夫道義，而於天下

之事無所懼，此其所以當大任而不動心也。告子之學，與此正相反。其不動心，殆亦冥然無覺，悍然不顧而已爾。

〔焦循正義〕

《淮南子·墮形訓》，高誘注云：「浩亦大也。」故以浩然之氣爲大氣。臧氏琳《經義雜記》云：「《文選·班孟堅答賓戲》：『仲尼抗浮雲之志，孟軻養浩然之氣』李善注：《孟子》曰：『我善養吾浩然之氣。項岱曰：浩，白也。如天之氣浩然也。』《後漢書·傅燮傳》：『世亂不能養浩然之氣』，李賢注：『孟子曰：養吾浩然之氣。趙岐曰：浩然，天氣也。』按《春秋繁露·循天之道》云：『陽者，天之寬也。陰者，天之急也。中者，天之用也。和者，天之功也。舉天地之道而美於和，是故物生皆貴氣而迎養之。孟子曰，我善養吾浩然之氣者也。』則董子以養浩然之氣爲養天之和氣，班孟堅以浩然與浮雲相對，亦是以浩然之氣爲天氣。趙、項之釋，有所本矣。今本趙注作『浩然之大氣』，當是俗人所改。《漢書·絃傳上》注『師古曰：浩然，純一之氣也。』《文選》五臣注：『劉良曰：浩然自放逸也。』與古義異。」

〔日韓注疏〕

丁茶山《孟子要義》卷1，告子不得於言，勿求於心，我知言；告子不得於心、勿求於氣，我善養吾浩然之氣，一言一氣，彼我相照所以然者，心不直則氣不旺，氣不旺則辭不壯，此所以所講者不動心而養氣知言，爲之樞紐也。此一篇之要旨。

西島長孫《讀孟叢鈔》卷3，《雕題略》：浩然之氣，以其既養成者而言，故曰吾浩然之氣也。吾字可見孟子所獨有而非人人有之也。殊非復初之謂，《集注》以浩然爲固有。失正意，夫所固有，只是氣矣。豈自能浩然哉，故孟子養之云爾。凡孟子論性，每揭固有之善，輒繼之以養之之方。若曰人皆可以爲堯舜，謂有可爲堯舜之性存焉。非謂赤子之心全與堯舜之德同也。養性養氣，意志正同。宋諸賢主張固有之善大過。眾善眾德皆歸之復初，是故治之功勤，而擴充之旨微矣。雖未倍於大道，而亦與孟子異矣。及其理氣之說與子不相符者坐此。

冢田大峰《孟子斷》卷上，按孟子之意，所謂浩然之氣者，人反諸己，毫

無背義叛道，以正直養心，則莫所畏憚於天下，而其氣浩浩然也。苟不合義與道，而有邪枉之心，則畏上憚下而其氣壓笮，猶腹中無食氣，故言無配義與道則餒也。此非如理學家所說，敢甚深遠者也。

伊藤仁齋《孟子古義》卷2，知言者，知言之邪正而不惑也。上自聖賢，下至於諸子百家之言，明知其是非邪正，而成敗得失之所由，亦無不遯也。浩然，盛大之意，浩然之氣，卽我氣之盛大而不餒乏者也。蓋人雖知善之當爲，與惡之當去，然逡巡畏縮，不敢爲善者，是我氣餒乏而未盛大也。苟善養之，則浩然盛大，不可禦止，故能知天下之言，則我心有所主。善養浩然之氣，則其心自有主，故能不動。此孟子所以不必不動，而自不動也。

中井履軒《孟子逢原》第2，浩然之氣者，以其既養成者而言，故曰吾浩然之氣也。吾字可見，是孟子所獨有，而非眾人皆有之也。殊非復初之謂，註以浩然爲固有，大失之。夫人人固有者，唯是氣矣。所謂體之充，是也。何曾有浩然者哉？且體之充者，特以語氣在人身之狀耳。至于浩然之氣，則配道義。實與心性貫通，是聖賢之精神精粹。豈得復以體充概之哉？故孟子云爾。凡孟子論性，每揭固有之善，輒繼之以養之之方。若曰人皆可以爲堯舜，謂有可爲堯舜之種子存焉。非謂赤子之心全與堯舜之德同也。養性養氣，其義一也。宋諸賢，主張固有之善大過。諸善眾德，皆歸之復初。是故克治之功勤，而擴充之旨微矣。雖未倍於大道，而亦與孟子異矣。及其理氣之說，與孟子不相符者，皆坐於此。明道義，工夫在知言之前，若道義未明，焉得知言哉？配道義，是養氣之工夫，焉得落在養氣之後哉？註如顛倒前後，亦耦對之祟耳。

〔札存〕

「知言」

朱註：「知言者，盡心知性，於凡天下之言，無不有以究極其理，而識其是非得失之所以然也」。又引程子的話：「心通乎道，然後能辨是非，如持權衡以較輕重，孟子所謂知言也。」揆朱子之意，知言意卽瞭解天下事物之理，《語類》云：「知言，知理也」。又云：「知言，正是格物致知，不知言，則不能辨天下許多淫，邪，謬，遁。將以爲仁，不知其非仁；將以爲義，不知其非義，則將何以集義而生此浩然之氣。」（《朱子語類》，卷52，北京中華書

局，頁124）。朱子本《大學》解《孟子》之立場至此透顯無遺。本乎此一立場，朱子遂以「知言」為孟子知言養氣章之重心，並認為「知言」先於「養氣」。《語類》：「或問〈知言養氣〉章，曰：「此一章專以知言為主，若不知言，則自以為義，而未必是義；自以為是直，而未必是直，是非且莫辨矣。然說知言，又只說知詖，淫，邪，遁之四者。蓋天下事，只有一個是與不是而已。若（辯）〔辨〕得那不是底了，則便識如集義，皆是見得道理分明。則動靜出處，皆循道理，無非集義也。而今人多見理不明，於當為者反以為不當為，於不當為者反以為當為，則如何能集義也！惟見理明，則義可集；義既集，則那『自反而縮』，便不必說，自是在了。」（《朱子語類》，卷52，頁1270）又云：「孟子論浩然之氣一段，聚要全在「知言」上。所以《大學》許多工夫，全在格物，致知，又云：「知言養氣雖是兩事，其實相關，正如致知，格物，正心，誠意之類。若知言，便見得是非邪正，義理昭然，則浩然之氣自生。」（頁1201），又云：「蓋知言本也，養氣助也。三者恰如行軍，知言則其先鋒，知虛識實者：心恰如主帥，氣則卒徒也……至於集義工夫，乃在知言之後。不能知言，則亦不能集。」（頁1236）。朱子對「知言」的詮釋，備受後儒之攻擊。黃梨洲云：先忠端公云：「孟子『知言』，全將自己心源，印證羣跡。吾心止有一，常人自去分門立戶。這些蹊徑，都從常心中變出許多魑魅魍魎相。『知言』者，但把常心照證，變態無不剖露。知得人心，亦只知得自己心。知得羣心之變，亦只養得吾心之常。」人心不能無所著，忘則著於空，助則著於境，勿忘勿助，則一無所著，不墮有無二邊」（黃宗羲《孟子師說》卷2，收入：《黃宗羲全集》，第一冊，頁66-67）。又云：「知者，氣之靈者也。氣而不靈則昏濁之氣而已。養氣之後，則氣化為知，定靜而能慮，故『知言』、『養氣』，是一項工夫。」（《孟子師說》，卷2，頁64）朱子蓋分「心」與「理」為兩橛，而梨洲則以心即理，兩者同質同步也。伊藤仁齋解釋古典儒學，持論亦多與朱子相左，仁齋解釋孟子「知言」云：「孟子之學，其要在存心養性而知言即存心之功，養氣即養性之功也。蓋知言則心存。心存則智明。智明則放言之是非邪正，自無所迷惑，故知言為存心之功。」（伊藤仁齋，《孟子古義》，卷2，收入：關儀一郎編，《日本名家四書註釋全

書》，第9卷，頁156）仁齋以「心」卽「理」，亦卽以「知言」卽「存心」也。

「敢問何謂浩然之氣？」曰：「難言也。其為氣也，至大至剛，以直養而無害，則塞乎天地之間。其為氣也，配義與道，無是，餒也。」

〔趙岐章句〕

言此至大至剛正直之氣也。然而貫洞纖微，洽於神明，故言之難也。養之以義，不以邪事干害之，則可使滋蔓，塞滿天地之間，布施德教，無窮極也。重說是氣，言此氣與道義相配偶俱行。義，謂仁義。可以立德之本也。道謂陰陽大道，無形而生有形，舒之彌六合，卷之不盈握，包絡天地，稟授羣生者也。言能養此道氣而行義理，常以充滿五臟；若其無此，則腹腸飢虛，若人之餒餓也。

〔朱子集註〕

至大初無限量，至剛不可屈撓。蓋天地之正氣，而人得以生者，其體段本如是也。惟其自反而縮，則得其所養；而又無所作爲以害之，則本體不虧而充塞無間矣。程子曰：「天人一也，更不分別。浩然之氣，乃吾氣也。養而無害，則塞乎天地；一爲私意所蔽，則欲然而餒，卻甚小也。」謝氏曰：「浩然之氣，須於心得正時識受。」又曰：「浩然是無虧欠時。」配者，合而有助之意。義者，人心之裁制。道者，天理之自然，餒，飢乏而氣不充體也。言人能養成此氣，則其氣合乎道義而爲之助，使其行之勇決，無所疑懼；若無此氣，則其一時所爲難未必不出於道義，然其體有所不充，則亦不免於疑懼，而不足以有爲矣。

〔焦循正義〕

云至大至剛正直之氣者，惟正直，故剛大。下言養之以義解以直養三字，直卽義也。緣以直養之，故爲正直之氣；爲正直之氣，故至大至剛。或謂趙氏

以「至大至剛以直」爲句，非也。……毛氏奇齡《逸講箋》云：「以直養者，集義所生，自反而縮也。無害者，不助長也。以助長，則非徒無益，而又害之也。」

《周禮·掌次》「射則張耦次」，注云：「耦者，俱升射者。」……又云：「義者，德之理也。」《禮記·禮運》云：「義者，仁之節也。」《祭統》云：「夫義者，所以濟志也，諸德之發也。」故以義兼言仁，又以理釋義，而爲立德之本也。道謂陰陽大道者，阮氏元〈校勘記〉云：「漢人皆以陰陽五行爲天道。《易》曰：『一陰一陽之謂道。』趙氏用此語。」按《列子》云：「昔者，聖人因陰陽以統天地。夫有形者，生於無形。」有形生於無形，故云無形生於有形也。疏本作「生於無形」，非是。《淮南子·原道訓》云：「包裹天地，稟受無形」又云：「舒之瞑於六合，卷之不盈一握。」趙氏本此，以上言無形，故改云羣生。落與絡古字通。絡爲纏繞，亦裹之義也。道既爲陰陽，陰陽是氣，故云道氣。陰陽分之爲五行，五行各屬五藏。《白虎通·性情篇》云：「人本含五行六律之氣而生，而內有五藏六府，此性情之所由出入也。…」《淮南子·精神訓》云：「血氣者，人之華也。而五藏者，人之精也。夫血氣能專於五藏而不外越，則胸腹充而嗜欲省矣。胸腹充而嗜欲省，則耳目清、聽視達矣。耳目清、聽視達謂之明。五藏能屬於心而無乖，則敦志勝而行不僻矣。敦志勝而行之不僻，則精神盛而氣不散矣。」又云：「使耳目精明，元達而無誘慕；氣志虛靜，恬愉而省嗜欲；五藏安定，充盈而不泄。」此趙氏所本也。《說文·食部》云：「餒，飢也。」餒同餒，飢卽餒也。不能以直養而邪或干害之，則氣以誘慕嗜欲而散，五藏外越而不能充滿，故腸腹飢虛，若人之不飲食而餒餒也。毛氏奇齡《逸講箋》：「配義與道，正分疏直養。無論氣配道義，道義配氣，總是氣之浩然者，藉道義以充塞耳。無是者，是無道義。餒者是氣餒，道義不能餒也。」李氏紱〈配義與道解〉：「心之裁制爲義，因事而發，卽羞惡之心也。身所踐履爲道，順理而行，卽率性之謂也。未嘗集義養氣之人，自反不縮，嘗有心知其是非而不敢斷者，氣不足以配義也。亦有心能斷其是非而身不敢行者，氣不足以配道也。吾性之義，遇事而裁制見焉。循此裁制而行之，乃謂之道。義先而道後，故曰配義與道，不曰配道與義也。」全氏祖望《經史問答》云：「配義則直養而無害矣。苟無是義，便是無氣，安能免於

餒？然配義之功在集義。集義者，聚於心以待其氣之生也。曰生，則知所謂配者，非合而有助之謂也，蓋氤氳而化之謂也。不能集而生之，而以襲而取之，則是外之也。襲則偶有合，仍有不合而不慊於心，氣與義不相配，仍不免是餒矣。」(VI/16-17)

〔日韓注疏〕

丁茶山《孟子要義》卷1，案朱子之意以爲無浩然則體餒，呂〔子約〕氏之意以爲無道義則氣餒，此一訟案也。竊嘗思之，體餒，非君子之攸憂也。唯是集義積善之功，有所不至，則內疚外怍，茫然自沮，氣爲之餒，是乃君子之所恥也。孟子以集義爲生氣之本，而朱子以養氣爲行義之助，其先後本末似顛倒也。原夫浩然之氣，不可徒生，不可強養，唯是由道行義、日積月累，則心廣體胖，俯仰無愧，於是乎貧賤不能戚、威武不能屈，以至於氣塞天地。若有意養氣，以氣爲業，則除了吻噓呼吸、熊經鳥伸，無所事於養氣也。揠苗助長之戒正在於此，非義襲取之句，亦以申明此義。不知朱子何故而固拒呂說也。配者，合也。謂浩然須道義以生、須道義以養，不能相離也。

西島長孫《讀孟叢鈔》卷3，餒固屬氣言，直是不充之意。繹解本於趙岐，魏了翁《讀書雜抄》云：「僖二十八年，晉子犯曰『我曲楚直，其眾素飽，不可謂老。』此飽字可對孟子餒字。」由是按杜注云直氣盈飽，愈見餒之爲氣矣。指道義者非是。

廣瀨淡窓《讀孟子》公孫丑上，配義與道，義者隨時之義，道者一定之道。佐藤一齋《孟子欄外書》上帙，兩「其爲氣」也。上節就體段而言，以理養氣也；下節就遇事而言，以氣助理也。浩然之氣，統志氣而一貫之。上節重志邊，下節重氣邊，無是餒也是字指氣，言氣能配道義，則無是餒也。不則不慊於心而餒矣。

伊藤仁齋《孟子古義》卷2，此言養浩然之氣法也。至大至剛，卽養之之法。乃後篇所謂居天下之廣居，立天下之正位，行天下之大道，富貴不能淫，貧賤不能移，威武不能屈是也。先儒做體段說，可謂誤矣。浩然二字，旣說體段，不可復言至剛。所謂浩然者，亦唯有盛大之義，而不見至剛之意。且與前難言者，自不相合，旣是至大至剛，何難言之有，故知是言養氣之法也。學者

見其名義，自當知之。

中井履軒《孟子逢原》第2，孟子未嘗言身外之氣，註挾天地之氣，故每梗塞不通。本體不虧旬，亦謬。浩然豈可作氣之本體哉。程說：「天人一也。」亦挾外氣，不可從。浩然之氣，乃吾氣也。卻失之。蓋元以浩然爲外氣，故有是言也。則塞乎天地，若無病，然亦混外氣而言，故與本文意不同，其疾痛一也。本文害字，在養氣上言之，若助長是也。註私意，太泛。且不得文意。須於心得正時識取，此可知謝氏平日虧欠頗多也。果然。雖欲施養氣工夫，焉可得哉。絕望於浩然，可也。識得復何爲？

註無氣而論餒，若謂體餒，蓋謬。則解體字亦謬。註，人心之裁制，天理之自然，傷於耦對。且人心對道心天理而言者，皆形氣之私，所謂私意私欲，並主不善。然則義唯在禁制其不善一路矣。曾無義者宜也。行而宜之意。大與七篇之旨異。故曰，克治之功勤，而擴充之旨微矣。道元假往來道路之名。人之所宜踐行，故謂之道也。所謂聖人君子之道，堯舜文武之道，皆弗離乎人矣。易傳諸書，乃更假論易道天道，及陽陰鬼神，莫不有道焉。並離乎人而爲言矣。至於異端之言，則又已甚。蓋立言之不同，隨言而著解，斯可矣。孔孟之言，道弗離乎人，乃以離乎人之言作解，焉可也。若天理之自然，不可謂弗離乎人也。乃推求敷演，三鍛五鍊，屢入乎人道者，豈可用此解釋古人哉？夫解者解也。是解結，使人易曉者也。今世學者，弗苦經之難讀，而苦乎集註難曉，其必有山也。道者天理之自然，斯言也。若廁諸易傳中，毫無可議也。則在此註之可議，可隨而知焉耳。

〔札存〕

(一) 「其爲氣也，配義與道。」

「配義與道」中的「道」字在此出現，似顯得突兀。趙岐註云：「道謂陰陽大道，無形而生有形，舒之彌六合，卷之不盈握，灑落天地，受羣生者也。」趙氏之說頗沾漢儒陰陽五行之色彩，未必即爲先秦孟學之原意。朱子《集註》云：「道者，天理之自然」，中井履軒以爲朱註「人心之裁制，天理之自然，傷於耦對。」以宋儒「天理——人欲」二分之格局說孟學，亦拘於其時代之背景，近人郭沫若著《宋鉢尹文遺著考》認爲孟子「浩然之氣」的說

法，係來自《管子·內業》篇，他認為《管子》〈內業〉〈心術〉等篇的內容是宋钘、尹文的思想。孟子所說「配義與道」的「道」正是道家思想中的「道」。孟子可能是襲自宋钘學派（郭沫若，《青銅時代》，重慶：文治出版社，1945；〈宋钘尹文遺著考〉，頁224-225）。近人杜國庠承郭氏之說（杜國庠，《杜國庠文集》，北京：人民出版社，1962，〈先秦諸子思想概要〉，頁26-28）。郭杜二氏之說有待商榷。《管子》〈心術上下〉〈白心〉〈內業〉四篇，思想內容頗為駁雜，大致是秦至漢初齊國地區道家一派的作品，其思想主旨位於析論人君南面之術。（張舜徽，〈管子四篇疏證〉，收入：氏著，《周秦道論發微》，臺北：木鐸出版社，頁198-199）。《管子》四篇屢言「道」，如〈內業〉：「心靜氣理，道乃可止」。但「道」這個哲學範疇，是中國古代思想史上的「共同論域」(a common discourse)，孟子的「配義與道」中的「道」，未可即視為來自《管子》四篇中的「道」，郭氏之說嫌無據。《朱子語類》，卷52：「問：『氣之所配者廣矣，何故只說義與道？』曰：『道是體，義是用，程子曰：「在物為理，處物為義」，道則是物我公共自然之理；義則吾心之能斷制者，所用以處此理者也。』又曰：『其為氣也，配義與道，無是，餒也。』配，合也。義者，人心節制之用；道者，心事當然之理。」朱子認為「道」「義」對言，「道」具普遍性，「義」具特殊性，大致可取。

（二）「無是，餒也。」

朱子《集註》云：「配者，合而有助之意，義者，人心之裁制。道者，天理之自然。餒，飢乏而氣不充體也。言人能養成此氣，則其氣合乎道義而為之助，使其行之勇決，無所疑懼；若無此氣，則其一時所為雖未必不出於道義，然其體有所不充，則亦不免於疑懼，而不足以有為矣。」朱子明確地認為，「無是」的「是」指「氣」而言，他在《語類》裏進一步解釋說：李問：「『無是，餒也』，是指義，是指氣？」曰：「這是說氣。」曰：「下面如何便說『集義所在』？」曰：「上截說須養這氣，下再起說所以生此氣，每一件事做得合義，便會生這氣；生得這氣，便自會行這義。伊川云：『既生得此氣，語其體，則與道合；語其用，則莫不是義。譬之以金為器，及其器成，方命得此是金器。』『生』字與『取』字相對說，生是自裏面生出，取是外面取來。」

且如今人有氣魄，合做事，便做得去。若無氣魄，雖自見得合做事，卻做不去。氣只是身中底氣，道義是眾人公共底。天地浩然之氣，到人得之，便自有不全了，所以須將道理養到浩然處。」（《朱子語類》，卷52，頁1258）

朱子這種解釋很有問題，在當時就引起他的論敵呂子約（?-1200）的懷疑。子約是呂祖儉的字，他是朱子摯友呂祖謙之弟，《朱子文集》中關於祖儉者有二百餘處，朱子與祖儉信函共四十八札。祖儉係朱子講友，然祖儉論學多與朱子不投機。（關於呂子約事蹟，詳：陳榮捷，《朱子門人》，臺北：臺灣學生書局，1982，頁103-104）呂子約認為，孟子「其爲氣也，配義與道；無是餒也」句中的「是」字：「指道義而言。若無此道義卽氣爲餒。」（朱熹，《朱文公文集》，卷48，〈答呂子約書〉，頁835，下半頁）但朱子不以爲然，朱子認爲：「所謂是者，固指此氣而言。若無此氣，則體有不充而餒然矣。」（同上註）朱子的立場亦與其《孟子集註》互相呼應，朱子在《集註》中說：「若無此氣，則其一時所爲雖未必不出於道義，然其體有所不充，則亦不免於疑懼，而不足以有爲矣。」朱子與呂子約所爭雖只是一字的解釋，但這場辯論卻部份地透露出，朱子對「知言」的主體性基礎相對地有所忽略。朱子這種崎輕崎重，後來也招致朝鮮李朝儒者丁茶山批評（均詳〔日韓注疏〕所引內容）。

朱子後學蔡模《孟子集疏》爲朱子曲爲彌縫曰：「兩句其爲氣也，前是說氣之體段如此；後是說這氣可將如何。」（《孟子集疏》，通志堂經解本，卷3，頁7，上半頁）。元人胡炳文亦循朱註理路曰：「此言無浩然之氣，則所爲雖出於道亦未免於疑。蓋必如此方見氣與道義合而實有助於道義也」（《孟子通》，通志堂經解本，卷3，頁13，上半頁）。宋人張南軒亦推衍朱註曰：「蓋浩然之氣貫乎體用，一乎隱顯而無間故也。無是餒也，言無使是之餒也，其不可使之餒者，以其集義所生故也。」（《南軒孟子說》，通志堂經解本，卷2，頁9，下半頁）諸說均羽翼朱註，然均有欠通達。朱註之違失，昭然可見，元人陳天祥曰：「浩然之氣集義所生，須有是義則有是氣，若無是義，則無是氣，但見氣須以義爲主，未見義須氣爲助，配有助之意。此過論也，所謂若無此氣則其一時所爲，雖未必不出於道義，則亦不免於疑懼，而不足以有爲

者。此論空曠尤多。果無此氣則其義已不存，如何所爲卻出於道義，所爲果出於道義，則其自反而縮，雖千萬人往矣，豈有疑懼不足有爲哉。」（《四書辨疑》，通志堂經解本，卷10，頁7，上半頁——下半頁）。陳天祥對朱註之批駁，極具卓識。就孟學思想體系而言，朱子以「是」爲「氣」的說法，也與趙岐不合，趙岐云：「言能養此道氣，而行義理，常充滿五藏，若其無此，則腹腸饑虛，若人之餒餓也。」趙氏蓋以爲，「是」指「義與道」而言。焦循《正義》引毛奇齡云：「無是者，是無道義；餒者，是氣餒，道義不能餒也。」又引全祖望《經史答問》云：「配義，則直養而無害矣。苟無是義便無是氣，安能免於餒。然配義之功，則直養而無害矣。苟無是氣，安能免於餒，然配義功在集義。集義者，聚於心以心待其氣之生。曰生。則所知調配者，非合而有助之謂也，蓋氤氳而化之謂也。」毛奇齡與全祖望均以「是」指「道義」而言，這種說法是可以接受的，因爲必須如此講，才能使孟子的文章順暢。朱子解「是」爲「氣」，則孟子之「無是餒也」就被理解爲：「氣」是充實生命內涵的內量，與本章特重原始生命之理性化此一主題不合。

是集義所生者，非義襲而取之也。行有不慊於心，
則餒矣。我故曰告子未嘗知義，以其外之也。

〔趙岐章句〕

集，雜也。密聲取敵曰襲。言此浩然之氣，與義雜生，從內而出，人生受氣所自有者。慊，快也。自省所行仁義不備，干害浩氣，則心腹飢餒矣。孟子曰，仁義皆出於內，而告子嘗以爲仁內義外，故言其未嘗知義也。

〔朱子集註〕

集義，猶言積善，蓋欲事事皆合於義也。襲，掩取也，如齊侯襲莒之襲。言氣雖可以配乎道義，而其養之之始，乃由事皆合義，自反常直，是以然所愧怍，而此氣自然發生於中。非由只行一事偶合於義，便可掩襲於外而得之也。慊，快也，足也。言所行一有所不合於義，而自反不直，則不足於心而體有所

不充矣。然則義豈在外哉？告子不知此理，乃曰仁內義外，而不復以義爲事，則必不能集義以生浩然之氣矣。上文不得於言勿求於心，即外義之意，詳見〈告子上篇〉。

〔焦循正義〕

雜從集，《方言》云：「雜，集也。」古雜集二字皆訓合，與義雜生即與義合生也。…生即育也，育即養也。氣因配義而生，故爲善養，與徒養勇守氣者異矣。…趙氏以密聲取敵解襲字，而未詳「義襲而取」之意。推其解集義而生爲從內而生，…義襲而取，則義本在氣之外，取以附於氣耳。若然，則義不關於內，即所行義有不附，將於心無涉矣。乃自省所行仁義不具備，而邪事干之，則心必不快，可見義在於內，關係於心，不與氣配，氣則緩矣。告子勿求於氣，並不求於心，是不知義在於內，與氣俱生，故造爲外義之說，不知義，故不知持志，即不知善養浩然之氣也。趙氏佑《溫故錄》云：「告子固譏孟子之集義爲襲而取之也，由其不知在內，妄疑爲徒取於外。取如色取仁而行違之。加一襲字，如表裘襲之襲，言其多事增益掩蓋之勞，孟子特辨正之。此『非義襲而取之也』句意與『非由外鑠我也』皆反覆揭示。講者以義襲而取之屬告子說。告子本外義，安肯取義；彼全是助長，與襲取亦殊。」按以直養則氣合義，自內而生。不以直養，而邪事干害之，則氣不與義合，即是暴其氣，無所爲義襲也。義襲而取，自指言義外者之說如此，故直非斥之。一事合義，即是以直養。一事不合義，即是害之。集爲雜，雜爲合，合爲配，一也。生爲育，育爲養。一也。義爲直，直爲縮，一也。取爲求，一也。趙氏訓詁，能貫通其脈。集合在內，襲取在外，是集非襲，則是內非外。集之訓未明，則襲之說遂窒，六書訓詁，所關於道義者深矣。

〔日韓注疏〕

伊藤仁齋《孟子古義》卷2，集義，猶言積善也。謂平生所行，無一不在義也。襲，掩取之。凡師有鐘鼓曰伐，無鐘鼓曰襲。慊，快也。言是氣也事事合義，無所愧而所生者，非可一旦以義掩襲得之也。其所行一有不合於義，則心有不快，而其氣饑乏，不足有爲矣。告子不知義而外之。其不動心，何足取哉？上文兼言道義，而此獨言義者，因告子之失而言之也。外者，疎之

辭，謂外而行之。非棄而不取之謂，後篇所謂長楚人之長，亦長吾之長，故謂之外，是也。

中井履軒《孟子達原》第2，慊上舊有不，蓋衍文，今試削。慊嗛同，有所憾，而不自得之義。晉註口劫反，不可用。註襲，掩取也。取字當削，已失文義，又礙於本文。且如襲舊，豈必其取哉？慊，快也，足也。是不察之衍文，強著解者也。文義正相反，不可以爲解，自反常直，此不必言。義無差者，而語頗鶻突，蓋嫌上語之短竭，而強補塞焉耳。亦時文之弊。又自反而直，必在與人競爭之時，而前文褐寬博千萬人，可徵也。浩然豈待競爭而後養哉？下文不直，亦然。其體有所不充，謬同前節。言發生於中，可也。言襲取於外，則不可。是對說之失，猶偶小也。言此氣自然發生於中，是此時始生也。豈容復初作解哉？氣，譬穀苗也。集義，譬糞溉也。唯務糞溉，以俟其發生，可也。不當一概遽望其發生。蓋集義中，有勃然自生者，浩氣是也。豈得用一義刺取之哉？告子先持義外之說，故遂不知義之爲何物云爾。註大纏綿。經云：「不知義」。註乃易以不知此理，何也？經，不知義爲末，而外之爲本。註，義外爲末，而不知理爲本，皆未允。又勿求於心，與義外不全同，註未圓。據義豈在外哉句，似辨內外之說，然孟子元無是意也。末云外之者，論告子不知義，遂探其病源，而破之耳。是波及之言矣。非本章元有是意，註削是一句而後可。

〔札存〕

(一) 「集義」一詞係孟子知言養氣說中，極具關鍵性之概念。趙岐釋「集」爲「雜」，認爲孟子之意在「言此浩然之氣，與義雜生」。焦循從之，認爲「古雜，集二字皆訓合，與義雜生卽與義合生也」。此說固有其訓詁學之依據，然於孟學體系終嫌一間未達。朱子以「積善」釋「集義」，將「集」字理解爲「集聚」之意，此與朱子學之特殊內涵有關。《朱子語類》，卷52云：「集義」，曰：「只是無一事不求箇是而已矣。」又云：「集義，只是件件事要合宜，自積得多」。又云：「集，猶聚也。『處物爲義』，須是事事要合義……。」依朱子解釋，「集義」之工夫乃成爲積聚事事物物的分殊之理，成爲一種外向追求的知識活動。徐復觀先生說：「孟子的理是自內流出，而朱元晦

則常常解爲是從外面檢來」（《中國思想史論集》，頁24），切中朱子對孟子「集義」一詞解釋之要害。朱子將「集義」解釋爲向外探索的知識活動，基本上與他對《大學》的瞭解，是互相呼應的；也是他從「窮理」「知言」「養氣」這條思路來解釋孟子學，所必然獲致的結論。

朱子以降，歷代中外儒者對孟子「集義」概念詮釋不一，然於朱子之說多未能印可。王陽明〈答羅整庵少宰書〉云：「集義是復其心之本體。」（陳榮捷，《王陽明傳習錄詳註集評》，176條，頁253）最能顯示陽明所持價值意識內在於心的說法。一切價值意識既已存乎本心，因此，順陽明脈絡，「集義」即爲「致良知」。陽明曰：「集義只是致良知。說集義則一時未見頭腦。說致良知當下便有實地步可用工。故區區專說致良知。隨時就事上致其良知。便是格物。著實致良知。良知，便是誠意。著實致其良知無一毫意必固我。便是正心。著實去致，則自無忘之病。無一毫意必固我，則自無助之病。故說格致誠正，則不必更說箇忘助。孟子說忘助，亦就告子得病處立方。告子強制其心，是助的病痛。故孟子專說助長之害。告子助長，亦是他以義爲外。不知就自心上集義，在必有事焉上用功，是以如此。若時時刻刻就自心上集義，則良知之體，洞然明白。自然是是非非，纖毫莫遁。又焉有『不得於言，勿求於心。不得於心，勿求於氣』之弊乎？」（陳榮捷，《王陽明傳習錄詳註集評》，187條，頁268）如此詮釋，則孟子「集義」實即爲道德主體之充擴，而非外馳之知識活動，較切近孟子原旨。

黃梨洲亦扣緊價值意識內在於心之思路，將孟子「集義」解釋爲「心體流行」。梨洲曰：「『集義』者，應事接物，無非心體之流行。心不可見，見之於事，行所無事，則卽事卽義也。心之集於事者，是乃集於義矣。有源之水，有本之木，其氣生生不窮。『義襲』者，高下散殊，一物有一義，模倣迹象以求之，正朱子所謂『欲事事皆合於義』也。『襲裘』之『襲』，羊質虎皮，不相黏合。事事合義，一事不合，則伎倆全露，周章無措矣。告子外義之病如此，朱子言其冥然無覺，悍然不顧，此則世俗頑冥之徒，孟子亦何屑與之辨哉！故象山云：『讀書講求義理，正是告子外義工夫。』亦已深中其病。而朱子謂其靜坐澄心，卻是外義，恐未必然也。」（《孟子師說》，收入：《黃宗羲全集》

第一冊，杭州：浙江古籍出版社，1985，頁62）。

德川日本及李朝朝鮮之反朱子學者，對孟子「集義」概念之解釋，持論亦多與朱子相左。前引中井履軒《孟子逢原》卷2云：「氣，譬穀苗也。集義，譬糞溉也。唯務糞溉，以俟其發生，可也……蓋集義中，有勃然自生者，浩氣是也。」中井此以為「集義」即透過德性主體之澄澈，而使價值意義逕勃然自生。朝鮮儒者丁茶山批判朱子云：「孟子以集義為生氣之本，而朱子以養氣為行義之助，其先後本末似顛倒也。原夫浩然之氣，不可徒生，不可強養……若有意養氣，以氣為業，則除了吻噓呼吸，熊經鳥伸，無所事於養氣也。揠苗助長之戒，正在於此，非義襲取之句，亦以申明此義。」（《孟子要義》，收入：《與猶堂全書》，漢城：文獻編纂委員會，1960，卷1，頁20，上半頁）。

（二）本句正顯示孟子與告子不動心之不同。元人胡炳文《孟子通》卷3云：「告子曰勿求於心與孟子持其志相反，告子勿求其氣與孟子勿暴其氣相反，此告子不動心之道與孟子自然不動者相反」（胡炳文《孟子通》，通志堂經解本，卷3，頁10，上半頁），極是。

必有事焉而勿正，心勿忘，勿助長也。無若宋人然：宋人有閑其苗之不長而揠之者，芒芒然歸，謂其人曰：『今日病矣，予助苗長矣。』其子趨而往視之，苗則槁矣。天下之不助苗長者寡矣。以為無益而舍之者，不耘苗者也。助之長者，揠苗者也。非徒無益，而又害之。」

〔起訛章句〕

言人行仁義之事，必有福在其中，而勿正但以為福，…亦勿汲汲助長其福也。汲汲則似宋人也。

揠，挺拔之，欲亟長也。病，罷也。芒芒，罷倦之貌。其人，家人也。其子，揠苗者之子也。趨，走也。槁，乾枯也。以喻人助情邀福者，必有害。若

急長苗而反使之枯死也。

天下人行善，皆欲速得其福，恬然者少也。以爲福祿在天，求之無益，舍置仁義，不求爲善，是由農夫任天，不復耘治其苗也。其邀福欲急得之者，由此揠苗之人也。非徒無益於苗，而反害之。言告子之外義，常恐其行義，欲急得其福，故爲丑言人之行當內治善，不當急欲求其福。

〔朱子集註〕

必有事焉而勿正，趙氏、程子以七字爲句。近世或并下文心字讀之者亦通。必有事焉，有所事也，如有事於顚臾之有事。正，預期也。春秋傳曰「戰不正勝」，是也。如作正心義亦同。此與大學之所謂正心者，語意自不同也。此言養氣者，必以集義爲事，而勿預期其效。其或未充，則但當勿忘其所有事，而不可作爲以助其長，乃集義養氣之節度也。闕，憂也。揠，拔也。茫茫，無知之貌。其人，家人也。病，疲倦也。舍之不耘者，忘其所有事。揠而助之長者，正之不得，而妄有作爲者也。然不耘則失養而已，揠則反以害之。無是二者，則氣得其養而無所害矣。如告子不能集義，而欲強制其心，則必不能免於正助之病。其於所謂浩然者，蓋不惟不善養，而又反害之矣。

〔焦循正義〕

…趙氏以「必有福在其中」解之，是以福釋事，乃事無福訓也。翟氏灝《考異》云：「通段凡十見福字。古文福但作『畱』，中筆引長，形便類事。舊本孟子當作『必有畱焉』，故趙氏注之如此。」而勿正但以爲福故爲仁義也者，蓋以但字解正字，趙氏於訓詁，每以二字相疊爲釋，此常例也。《詩·終風序》箋云但：「正，猶止也。」《莊子·應帝王篇》云：「不正」，《釋文》云：「正本作『止』，正之義通於止也。」爲仁義卽上云行義之事，自然得福，不可止以得福之故，始行仁義之事。「而勿正但以爲福故爲仁義也」十二字一氣，「正但」連下，此趙氏之義也。《淮南子·精神訓》云：「非直夏后氏之璜也」，高誘注云：「直，但也。」…按趙氏讀事爲福，其所本不可詳；其讀正爲止，而以「心勿忘」爲句，則經義可明。蓋正之爲止，卽是已止之止，「必有事焉而勿正」，謂必有事於集義而不可止也。何以不止？心勿忘，則不止也。心何以勿忘？時時以不得於言者求諸心，卽時時以不得於心者

求諸心，使行無不慊於心，則心勿忘而集義也。凡事求諸心，卽曾子之「自反而縮，雖千萬人吾往」，往者氣也，然自反而縮乃往，自反而不縮則不往，是不徒恃氣，而以心帥氣。以心帥氣，則能善養氣，而不暴其氣；若不求諸心，而但求諸氣，則無論縮不縮而皆往，務以氣勝人，是爲北宮黝、孟施舍之養勇也，是暴其氣也。能自反，則持其志，不致暴其氣。凡氣之所往，皆自反而縮；自反而縮，則配義與道；配義與道，則以直養而無害其氣；緣集義而生，乃浩然充塞於天地之間而不餒矣。北宮黝、孟施舍不求諸心，但求諸氣者也。故告子不得於心，勿求於氣，孟子以爲可也。不得於言，勿求於心，即是不得於氣，勿求於心。蓋告子以外其義者忘其心，以忘其心者制其氣；北宮黝、孟施舍一味用氣，告子一味不用氣，而皆不求心，皆不持志，即皆不能集義。在黝、舍則暴其氣，在告子則餒其氣。惟孟子之學，在自反以求心，持志以帥氣，縮而合乎義道則氣不餒，不縮而乖乎義道則氣不暴，全以心勿忘爲要而已。忘通妄，卽《易》无妄之妄。事卽通變之謂事之事。正通止，卽終止則亂之止。通變則爲道爲義，勿止則自彊不息，勿妄則進德修業，此孟子發明《周易》之旨，故深於《易》者莫如孟子也。…趙氏以其人爲家人，蓋卽謂一家人也。若《國語·齊語》云：「寵女無家」，注云：「夫稱家。」是婦以夫爲家。《楚辭·離騷》云：「浞又貪夫厥家」，注云：「婦謂之家。」是夫亦以妻爲家。《故周禮·小司徒》注云：「有夫有婦，然後爲家」，故《周易·家人卦》統言男女父子夫婦兄弟，而《詩》箋以家人猶室家，亦男女夫婦統稱。此宋人爲男子，其揠苗而歸，不必專告一人，則其人之爲家人，概指一家而言耳。其子，亦家人中之一人也。

…按《孟子》經文，辭句明達，不似《詩》、《書》艱奧。而趙氏注順通其意，亦極詳了。不似毛、鄭簡嚴，待於申發，故但疏明訓詁典籍，則趙氏解經之意明，而經自明。而趙氏有未得經義者，以經文涵泳之，亦可會悟而得其眞，固無取乎強經以從注也。此注既讀「必有事」爲必有福，故皆以邀福、得福、求福言之。《說文》心部云：「恬，安也。」《老子》云：「恬澹爲上」，謂不求福也。…告子既以義爲外，則必不行義，故惟恐行義也。行義，福不可必得，故不行義而別有以助之，以急求其福。…故告子不內治善，且惟

恐其行義，以礙其急求福也。孟子與之相反，故言當內治善，不當急求其福。此趙氏義也。乃以《孟子》經文核之：告子者，「不得於言，勿求其心；不得於心，勿求於氣」者也。勿求心、勿求氣，正《老子》所謂「恬澹」，《淮南子》所謂「恬愉」，豈尚有急求其福之事？則是以急求其福擬告子者，誣也。若謂勿求心、勿求氣即是助長，長即生也，亦即養也。告子勿求心則不集義，因不能如孟子之善養氣，告子勿求氣，則不守氣，亦不似孟施舍之養勇。告子本不欲氣之生長，又何用助長？且告子之學雖偏，而其勿求心、勿求氣，自造爲義外之說，亦當時處士傑出者。使助長即指告子，則孟子明云「天下之不助苗長者寡矣」，然則天下皆助長之人，豈天下皆爲告子之勿求心勿求氣，則趙氏以揠苗助長比急其福，以急求其福爲告子之惟恐行義，於《孟子》經文，殊難融合矣。試即經文涵泳之：「不得於言、勿求於心，忘其爲心者也。忘其心而勿求則無事，此告子外義、不善養浩之氣之說也。孟子旣辨明義非外襲，必事內集，故云必有事焉而勿止，必有事，則必求於心而勿止，則非一求而已，且心勿忘矣。此辨明告子之不動心與孟子之不動心已畢。以下勿助長則推黝、舍之養勇而言之。謂不可爲告子之必無事而餒，亦不可爲黝、舍之守氣以養氣也。守氣以養氣，是助長也。長即養也，亦即生也。以直養而無害，則氣由義生，爲善養。則爲善長而非助長助養。以守氣爲養勇，則氣由氣生，爲不善養，即不善長，而爲助長助養。天下能自反持志，直養集義者，能有幾人。大抵多暴其氣，以生長其氣，故云天下之不助苗長者寡矣。」以爲無益而舍之，是不有事而止，而不求氣者也。此不芸苗者也。是告子之不得于心勿求其氣而可者也，故無害也。助之長者，氣本不能從義直而生，而助之生，此揠苗者也。是黝、舍之守氣以暴其氣者也。暴其氣則不能自反，不能持志，不能集義。凡無義無道，雖不慊於心，而一以其氣行之，以直長養之而無害者，以不直長養而害必矣，故非徒無益，而害之也，此「害」字，即申明以直養而無害之害。以直養，則氣自生長於養，而無容助之。然則助長者，不能以直養之謂也。治田者，培其苗之根，除其非種，苗自生于根矣，無以揠爲也。總之以持志自反爲要，則心勿忘三字爲善養浩然之學。忘其心爲黝、舍之暴氣，非也。爲告子之勿求氣，亦非也。勿求氣雖較暴氣爲無害，然勿求氣，即不復求

心以生氣，雖無害而實無益。譬如不揠苗，亦不耘苗，苗之槁雖不自我害之，而苗亦莫能長矣，安用此枯槁寂寞之學爲哉！…孟子之不動心非釋氏之專一寂守以主靜，得以冒其號而謂之曰不動心也。而告子之不動心，所以異於孟子之不動心，一在動處用功，一在靜處用功，烏得不相背而馳哉？」

〔日韓注疏〕

西島長孫《讀孟叢鈔》卷3，《說解》：「養氣者宜何如，日用動靜，必以養氣爲事，不可專主氣，正猶專也。如老子專氣致柔之專。猶政也。如春秋傳今日之事我爲政之改，有事於養氣而氣爲改。是告子黝舍之養勇也，與二氏調息觀鼻皆小道。惟志爲氣帥，持其志以帥其氣，心常存而不忘，則氣有主而不軌，時乎應務酬酢，未嘗離氣，迫而應，不得已而後起，仕止久速，自然順理條暢，慎勿助氣強使之長也。蓋不爲不欲之良，無愧無怍之體，人所同有，其多行不義，躁妄馳騁，皆氣使之。養氣而又以氣爲改，是純任氣耳。心苟勿忘，如六轡在手，範我馳驅，隨事觀理，自然從容中道，苟道義未配。而恃才使氣，是助長也。」又云：「勿忘、勿助長，解者從來未徹。夫氣與心，內外顯微之間耳。強制其心，卽暴戾其氣，凡涉有心，皆爲助長。」又云：「禪家以忘爲無記，苟心忘則落無記，若強記則又落助長。勿忘云者，不忘而忘，不記而記也。助長，如莊生所謂心有睫，禪語謂之頭上安頭，過用其心，非勿忘之心也。告子強制，是過用其心，所以有宋人之病而爲北宮孟施之養勇也。」又云：「人心昏迷放佚，祗爲無事。故有事而後可以存心。孔子言敏於事，卽是學而時習之。孟子言必有事，卽是養氣一也。」

冢田大峰《孟子斷》卷上，必有事焉，而勿正，心勿忘，此文雖有諸說，皆不穩也。只是正字止誤耳。言莫止息其事，而莫遺忘之心，則自然成也。而人多以助長之，妄動心也。

中井履軒《孟子逢原》第2，…舊解直以有事爲集義矣。乃指工夫者，爲妄作，使人束手待浩氣之自生焉。則氣失養而不生，是不耘苗也。初不用工夫，固無可忘之物耳。若唯行義，而待浩氣之自生，是權在彼，而我無事矣。大非孟子之意。…當勿忘其所有事，若以有事爲養氣工夫，則可。但註意，有事指集義也。故不合，不可作爲。註意指用養氣工夫者，一概以爲作爲

也。故不合。集義養氣之節度，是謂有事作集義也，亦不合。……氣得其養，若無差等，然註以有事爲集義，則氣未嘗有養也，亦不合。告子唯不動心而已，未嘗求浩氣矣。則何正助之論，且是節，孟子自述其養氣之方而已。與告子不動心，絕無干涉。註論告子者，蛇足。

〔札存〕

（一）「必有事焉而勿正，心勿忘，勿助長也」

《日知錄》謂係「傳寫之誤，以忘字作正心二字。言養浩然之氣，必當有事而勿忘。既已勿忘，又當勿助長也。疊二勿忘，作文法也。」一字誤爲二字，原係古書常見之例。《禮記》、《尚書》均有其例。參看：俞樾，《古書疑義舉例》（臺北：泰順書局影印本，未著出版時間），63，「一字誤爲二字例」，頁102；及周亮工，《因樹屋書影》（臺北：漢京文化事業有限公司，1984），卷2，頁63-64。近人宋淑萍亦接受顧炎武之說並引毛子水〈孟子焦疏補正〉以「慌忙」釋「忘」，其言曰：「毛子水教授〈孟子焦疏補正〉說：『這個『忘』字並不是『忽忘』的『忘』，乃是『慌忙』的『忙』（古多以『茫』或『萌』爲今之『忙』字；惟孟子這裏以『忘』作『忙』『必有事焉』是『一定要做去』，『勿忘』是『不要忙不要過份求快』，『勿助長』是解釋『勿忘』的。而『勿助長』的意義，則出於當時所傳一段宋國人的故事。孟子上文強調浩然之氣是『集義所生』，『集』也就是『事』，是一種積聚的功夫，並不是可以急求近功，則必如宋人揠苗者之所爲非徒無益，而又害之！』（宋淑萍，〈孟子集注補正〉，頁69）。以「不慌忙」釋「勿忘」，雖係古今注疏中別樹一幟，然按諸孟子所云：「無若宋人然」之立意，似亦可通。

（二）「必有事焉」中之「事」字，趙岐（公元?-210年）以「福」釋「事」字云：言人行仁義之事，必有福在其中。而勿正，但以爲福，故爲仁義也。但心勿忘其爲福，而亦勿汲汲助長其福也……。清儒翟灝（公元?-1788年）《孟子考異》云：「古文福，但作畱。中筆引長形，便類事。舊本孟當作必有畱焉，故趙氏性如此。」趙岐及翟灝之說均可商，今人裴學海駁趙氏注曰：「經文作必畱焉者，畱爲及之借字。說文又部。『及，治也。』及通作服，必有畱，卽必有服焉，謂必有治理之也。下云『而勿正心勿忘，勿助長也。』

卽言治理之道也。今本作必有事焉者，字雖訛而義實同。事卽治也。必有事焉，亦謂必有理之也。畱之與服通，猶匍匐亦作扶服也。趙注不知畱爲及之假借，而以福字釋之，宜後人不從其說也。」（見：裴學海，《孟子正義補正》，臺北：學海出版社，1978，頁58-59）裴氏之說似較趙注圓融。

清儒俞樾（曲園，1821-1906）曲爲趙注彌縫，認爲「事」乃依趙岐作「福」解，但其義應爲「副」，卽副貳之意，「必有福焉」指孟子所謂「配義與道」而言。曲園曰：「趙氏作福，乃必舍而從作事之本，非治經者所敢出矣。雖然，其字是也，其義未必然也。請據趙本之字，以求孟子之旨。福當讀爲副。《廣雅·釋詁》，貳，福盈也。是副貳字，古或作福也……。此經云：『必有福焉而勿正』，猶云：必有副焉而勿正……何謂副？上文所謂配義與道是也……氣必配道與義，然後可謂善。然後可謂善養吾浩然之氣，此必有副之說也。若無所配，卽無所副，無所副則氣爲正矣。於是不問其縮與不縮，而徒曰：『雖千萬人吾往矣。』是孟施舍所爲，能無懼者也。不知持志，而但知守氣，是暴之也，非養之也，終歸於僂而已矣……集義卽配道與義」，配道與義，卽必有副焉而勿正（俞樾，《孟子平議》，收入：嚴靈峰編，《無求備齋孟子書》，卷32，頁12下半頁—14下半頁）曲園之說不棄趙氏古註，又能貫通孟學要旨，持論較趙注更上一層，亦可備一說。

近人勞思光採取趙註以疏解孟子之義理，認爲《孟子》經文應解爲：「如理以行，必有效果（福）；但不可妄求；妄求其效果，則是揠苗助長，反爲有害。」（勞思光，《新編中國哲學史》，臺北：三民書局，1981，（一），頁176）。又說：「案古文『福』字作『畱』，缺去一畫，便成『畱』，與『事』字極近；趙氏所見之本當原是『畱』字，故趙註遂以『福』爲中心而釋之。後世『畱』訛爲『事』，遂成今本所見之文。如此，趙註乃成爲可蛻忘而今釋此節，亦應就『畱』而釋之。」（同上書，頁175）勞氏承趙氏註，認爲古文「福」作「畱」乃以「福」釋「事」字。其說不爲無據，甲文「福」字有作「𠙴」或「𧈧」者。金文亦有作「畱」者（《叔氏鐘》）。但據此而遂認爲孟子之主旨在於「如理以行，必有效果」。或嫌失之牽強，亦與孟子只問動機，不問效果之「道義論者」之哲學立場有所扞格，於義似有未咸洽。

(三)「必有事焉」，指何「事」而言？朱註曰：「必以集義爲事，而勿預期其效」中井履軒駁朱註曰：「若以有事焉爲養氣工夫，則可。但注意，有事指集義也，故不合。不可作爲，注意指用養氣功夫者，一概以爲作爲也。中井氏於朱註之所以未能印可，關鍵在於「集義」二字之內容，我已在「是集義所生者」條之〔札存〕(一)對「集義」作疏解，此處不再贅及。張栻（南軒）循朱子脈絡，亦以「集義」釋「有事」，並以爲「集義與主敬之義互通，其言曰：「或曰：二程先生多以必有事焉爲有事乎敬，而孟子則主於集義，有異乎？曰：無以異也。孟子所謂持志者，卽敬之道也。非持其志其能以集義乎？敬與義蓋相須而成者也。故坤六二之直方大君子體之亦本於敬以直內義以方外也。此孔孟之意程子蓋得之矣，學者所宜深焉。」（《南軒孟子說》，通志堂經解本，卷2，頁11，上半頁）。陽明雖亦以「集義」逕說「必有事焉」，然以「集義」爲「致良知」，此則與朱子與南軒之說南轔北轍矣。陽明在嘉靖5年（1526）〈答歐陽崇一書〉中云：「孟子言『必有事焉』。則君子之學，終身只是集義一事。義者宜也。心得其宜之謂義。能致良知，則心得其宜矣。故集義亦只是致良知。君子之酬酢萬變，當行則行，當止則止。當生則生，當死則死。斟酌調停，無非是致其良知，以求自慊而已。」（陳榮捷，《王陽明傳習錄詳註集評》，178條，頁242）。依陽明之詮釋，「必有事焉」既係「致良知」，故不假外求，因此亦無所謂「勿忘勿助」之工夫可說。陽明先生在嘉靖7年（1528）10月，〈答聶文蔚第二書〉云：「近歲來山中講學者，往往多說勿忘勿助工夫甚難。問之，則云才著意便是助。才不著意便是忘。所以甚難。區區因問之云，忘是忘個甚麼？助是助個甚麼？其人默然無對。始請問。區區因與說我此間講學，卻只說個『必有事焉』。不說勿忘勿助。必有事焉者，只是時時去集義。若時時去用必有事的工夫，而或有時間斷，此便是忘了。卽須勿忘。時時去用必有事的工夫，而或有時欲速求效，此便卽助了。卽須勿助，其工夫全在必有事焉上用。勿忘勿助，只就其間提撕警覺而已。若是工夫原不間斷，卽不須更說勿忘。原不欲速求效，卽不須更說勿助。此其工夫何等明白簡易！何等灑脫自在！今卻不去必有事上用工，而乃懸空守著一個勿忘勿助。此正如此燒鍋煮飯，鍋內不會潰水下米，而乃專去添柴放火。不知畢竟煮出個甚麼物來。」

吾恐火候未及調停，而鍋已先破裂矣。」（陳榮捷，《王陽明傳習錄詳註集評》，186條，頁266）。

「何謂知言？」曰：「詖辭知其所蔽，淫辭知其所陷，邪辭知其所離，遁辭知其所窮。生於其心，害於其政；發於其政，害於其事。聖人復起，必從吾言矣。」

〔趙岐章句〕

孟子曰：人有險詖之言，引事以褒人，若賓孟言雄鶴自斷其尾之事，能知其欲以譽子朝、蔽子猛也。有淫美不信之辭，若驪姬勸晉獻公與申生之事，能知其欲以陷害之也。有邪辟不正之事，若豎牛勸仲任賜環之事，能知其欲行譖毀以離之於叔孫也。有隱遁之辭，若秦客之度辭於朝，能知其欲窮晉諸大夫也。若此四者之類，我聞能知其所趨者也。

生於其心，譬若人君有好殘賊嚴酷心，必妨害仁政，不得行之也。發於其政者，若出令欲以非時田獵，築作宮室，必妨害民之農事，使百姓有飢寒之患也。吾見其端，欲防而止之，如聖人復興，必從吾言也。

〔朱子集註〕

……詖，偏陂也。淫，放蕩也。邪，邪僻也。遁，逃避也。四者相因，言之病也。蔽，遮隔也。陷，沉溺也。離，叛去也。窮，困屈也。四者亦相因，則心之失也。人之有言，皆本於心。其心明乎正理而無蔽，然後其言平正通達而無病；苟爲不然，則必有是四者之病矣。卽其言之病，而知其心之失，又知其害於政事之決然而不可易者如此。非心通於道，而無疑於天下之理，其孰能之？彼告子者，不得於言而不屑求之於心；至爲義外之說，則自不免於四者之病，其何以知天下之言而無所疑哉？………

〔焦循正義〕

……詖淫邪遁，生於心之蔽陷離窮，是生於其心也。此詖淫邪遁之言，造

之自下，大有礙乎聖人治天下之法，故害於政也。若將此詖淫邪遁之言，見之於政，則天下效之，三綱由是淪，百行由是壞，故害於事也。政，謂法教也，事謂事爲也。吾言指以直養而無害以下，至必有事焉而勿正，心勿忘，勿助長之言，告子義外之言，不免詖邪，聖人復起，必從吾配義集義之言也。注以致爲仁政，故指人君言之。

〔日韓注疏〕

丁茶山《孟子要義》卷1，詖淫邪者，言之有失者。所謂不得於言也。卽言之詖，而知其心之有所蔽；卽言之淫，而知其心之有所陷；卽言之邪，而知其心之有所離。所謂不得於言、必求於心也。心不直則氣不旺，氣不旺而辭不壯，此必然之理。而告子曰，不得於言，勿求於心，此決然非理之言。言者，心之旗。中告子分爲二物，豈可通乎？孟子知浩然之氣生於心，直通鬯之辭，亦生於心直，故曰：「我知言」；故曰：「我養氣。」今人讀此章，不知言氣二者之上通貫何以解矣。

西島長孫《讀孟叢鈔》卷3，《雕題略》：〈滕文公篇〉有言曰：「作於其心，害於其事，作於其事，害於其政，聖人復作，不易吾言矣。」語全同。而事政前後不同，先事後政，於事理爲順，此蓋傳寫誤耳。

蒙田大峰《孟子斷》卷上，言善爲偏詖辭者，或富貴，或親愛，或貨色，必爲其所蔽也。善爲邪僻辭者，其交際必有所離間也。善爲遁孫辭者，其於其事，必有所窮屈也。

伊藤仁齋《孟子古義》卷2，知言之方，本非一途，其於天下之言，能知其邪正，復知其流弊之所極，而後爲能知言也。然其所重，不在知其病之所由生，而專以知流弊之所極爲要，故孟子論詖淫邪遁之害，而次之以生於其心，害於其政，發於其政，害於其事。蓋聽詖淫邪遁之辭，則其弊各以類，而不可除也。

中井履軒《孟子達原》第2，…四者相因，不必言。若告子，唯有詖邪，而無淫遁，其他亦各有所失。而四者多不備具，是不相因之證。若求其備具，則唯佛道矣。而古無之。下文四者亦然。當時異端已多，註乃必據告子作解說者，泥於前文而已，不可從。

〔札存〕

(一) 朱註之創見在指出詖、淫、邪、遁四種言辭的相因性：「四者相因，言之病也」。《語類》更近一步解釋：「或問詖、淫、邪、遁『四者相因』之說。曰：『『詖』字，是遮了一邊，只見一邊。如『跛』字，亦是一邊高一邊低；『跛』字，亦是腳一邊長，一邊短，皆是只有一邊之意。『淫辭知其所陷』。淫，便是就所詖處多了，被他只看得這一邊，都蓋了那一邊。如人擗在水裏，只見得那水，更不見有平正底道理。詖是才了那一邊，淫是添了這一邊。然詖與淫，只是見偏了，猶自是道理在。然只管淫而不止，便失了那道理。既是不正，無緣立得住，便至於遁，遁則多討物理前來遮蓋。」(《朱子語類》，卷57，頁1273)。中井履軒駁朱註，認為四者不相同，未圓。

(二) 王船山解釋「知言」曰：「若人將集義事且置下不料理，且一味求爲知言之學，有不流而爲小人儒者哉？知言，是孟子極頂處，唯灼然見義於內，而精義入神，方得知言，苟不集義，如何見得義在內？……」(王夫之，《讀四書大全說》，臺北：河洛圖書出版社，1974 影印同治四年湘鄉曾氏刊本，卷8，頁26，上半頁)。王夫之認爲，「集義」先於「知言」，而「集義」即爲內在於心中的價值判斷能力之充擴。此種解釋與朱子相去甚遠，而較切合孟子原旨。

「宰我子貢善為說辭。冉牛、閔子、顏淵善言德行。孔子兼之，曰：『我於辭命，則不能也。』然則夫子旣聖矣乎？」曰：「惡，是何言也？昔者子貢問於孔子曰：『夫子聖矣乎？』孔子曰：『聖則吾不能，我學不厭而教不倦也。』子貢曰：『學不厭，智也；教不倦，仁也。仁且智，夫子旣聖矣。』夫聖，孔子不居，是何言也！」

〔趙岐章句〕

……孟子答丑，言往者子貢、孔子相答如此。孔子尚不敢安居於聖，我何敢自謂爲聖，故再言「是何言也」。

〔朱子集註〕

……程子曰：「孔子自謂不能於辭命者，欲使學者務本而已。……學不厭者，智之所以自明；教不倦者，仁之所以及物。再言『是何言也』，以深拒之。」

〔焦循正義〕

……《呂氏春秋·尊師篇》云：「子貢問孔子曰：『後世將何以稱夫子？』孔子曰：『吾何足以稱哉？勿已者，則好學而不厭，好教而不倦，其惟此耶？』」翟氏灝《考異》云：「《論語》『爲之不厭，誨人不倦』，是向公西華言之，此向子貢言之。《日知錄》謂孟子書所引孔子之言，其載於《論語》者，我學不厭而教不倦，一也。今據《呂氏春秋》則此實別一時語。」

〔日韓注疏〕

中井履軒《孟子逢原》第2，……善言善行者，信如註所言。然此章不主是義，唯云言有二道矣。有說辭之言，有德行之言，諸子各有所長，而孔子兼之。猶有不能者，今孟子知言矣。是併孔子所不能，而皆能之也。然則既聖者乎？曾不論德行之實，曾不挾養氣，是節惟承上文知言矣，不兼承養氣。

「昔者竊聞之：子夏、子游、子張，皆有聖人之一體；冉牛、閔子、顏淵，則具體而微。敢問所安？」

曰：「姑舍是。」曰：「伯夷、伊尹何如？」

曰：「不同道。非其君不事，非其民不使，治則進，亂則退，伯夷也。何事非君，何使非民，治亦進，亂亦進，伊尹也。可以仕則仕，可以止則止，可以久則久，可以速則速，孔子也。皆古聖人也。」

吾未能有行焉，乃所願，則學孔子也。」

〔趙岐章句〕

體者，四枝股肱也。孟子言昔日竊聞師言也。丑方問欲知孟子之德，故謙辭言竊聞也。一體者，得一枝也。具體者，四枝皆具。微，小也。比聖之體微小耳，體以喻德也。……我未能有所行，若此乃言我心之所庶幾，則願欲學孔子所履，進退無常，量時爲宜也。

〔朱子集註〕

……孟子言且置是者，不欲以數子所至者自處也。

〔焦循正義〕

《文選》注引劉熙注云：「體者，四支股腳也。具體者，皆微者也。皆具聖人之體微小耳。體以喻德也。」與趙氏此注同。《毛詩·相鼠》：「人而無體」，傳云：「體，支體也。」《禮記·喪大記》注云：「體，手足也。」《周書·武順篇》云：「左右手各握五，左右足各履五，曰四枝，肱屬手，股屬足。」故云四枝股肱，枝與支通，《說文》作「肢」，亦作「肢」。…《爾雅·釋詁》云：「幾，近也。」《淮南子·要略》云：「所以使學者孳孳以自幾也。」高誘注云：「幾，庶幾也。」然則庶幾卽幾也。我心之所庶幾，言我心之所近也。進退無常，量時爲宜，卽集義矣。義之所在，卽仕卽久，是進也。義之所不在，卽止卽速，是退也。《禮記·學記》云：「當其可之謂時。」仕止久速，皆視其可，是爲量時。

〔日韓注疏〕

西島長孫《讀孟叢鈔》卷3，…孟子生不逮事子思，故云私淑於人。顏、冉諸人，皆孔門之貫首。孟子豈忍顯然比之乎？故曰姑舍是耳。（II／129）

中井履軒《孟子逢原》第2，…或得夫子之一手，而頭足不相肖之爲得一體，手足頭面皆存之爲具體，註一肢得之，全體未圓。安與上節居字相似，有自許之意，似自比而非比。

〔新詮〕

孟子峻別三種不同類型之聖人，而以孔子爲最高典範，此可與〈萬章下〉第一章互相發明：「孟子曰：『伯夷，聖之清者也。伊尹，聖之任者也。柳下

惠，聖之和者也。孔子，聖之時者也。孔子之謂集大成。集大成也者，金聲而玉振之也。』』朱子《集註》曰：「子曰：『無所雜者清之極，無所略者和之極。勉而清，非聖人之清；勉而和，非聖人之和。所謂聖者，不勉不思而至焉者也。』孔氏曰：『任者，以天下爲己責也。』愚謂孔子仕、止、久、速，各當其可，蓋兼三子之所以聖者而時出之，非如三子之可以一德名也。」孟子之所以推尊孔子爲「集大成」，不僅因爲孔子巧力俱全，聖智兼備，兼有三子之一偏而成其「全體」；更因爲孔子深刻地體認「時中」之義。「時中」之義夐乎深哉！古今中西哲人析論時間概念（the concept of time）者多矣（杜維明有短稿論之，見：Wei-ming Tu, "An Introductory Note on Time and Temporality", *Philosophy East and West*, Vol. 24, No. 2, April 1974, pp. 119-122），中國文化之時間感尤爲深邃，陳子昂詩云：「前不見古人，後不見來者，念天地之悠悠，獨愴然而淚下」，中國人的孤獨感僅生於人被「時間」所放逐之時，其時間感之深刻有如此者，而以「時中」爲最高境界，此即焦循《正義》云：「進退無常，量時爲宜，即集義矣。義之所在，即仕即久是進也。義之所不在，即止即速，是退也。」噫！「時中」之義大矣哉。

「伯夷、伊尹於孔子，若是班乎？」曰：「否！自有生民以來，未有孔子也。」

曰：「然則有同與？」曰：「有。得百里之地而君之，皆能以朝諸侯、有天下；行一不義，殺一不幸，而得天下，皆不爲也。是則同。」

〔趙岐章句〕

班，齊等之貌也。丑嫌伯夷、伊尹與孔子相比，問此三人之德，班然而等乎。孟子曰：不等也。從有生民以來，非純聖人，則未有與孔子齊德也。孟子曰，此三人君國，皆能使鄰國諸侯尊敬其德而朝之。不以其義得之，皆不爲

也。是則孔子同之矣。

〔朱子集註〕

…有，言有同也。以百里而王天下，德之盛也。行一不義、殺一不幸而得天下有所不爲，心之正也。聖之所以爲聖人，其本根節目之大者，惟在於此。於此不同，則亦不足以爲聖人矣。

〔焦循正義〕

《方言》云：「班，列也。北燕曰班。」《儀禮·既夕》注云：「班，次也。」《文選·東京賦》云：「次和樹表」，薛綜注云：「次，比也。」《禮記·服問》注云：「列，等比也。」《淮南子·精神訓》高誘注云：「齊，等也。」《原道訓》高誘注云：「齊，列也。」是班、列、次、比、等、齊同義轉注，故趙氏以齊、等解班，又以相比解之。《說文》女部云：「嫌，疑也。」謂且疑三人相等也。

《荀子·王霸篇》云：「故用國者，義立而王，信立而霸；行一不義，殺一無罪而得天下，仁者不爲也。」…與孟子同。不義則自反而不縮也。不爲則不懼也。

〔日韓注疏〕

中井履軒《孟子逢原》第2，百里之地，以曩時而言也。是就其人而論之。時勢在其中，若孟子之時，形勢大變，則百里有未足也。此雖文外之義，亦不可弗知也。四海之內，九百諸侯，天下之常形也。百里可以以王，天下之常勢也。七雄之時，形已變矣。勢隨有不同，三國南北朝五季，亦皆變形矣。然而郡縣之治，其爲變形，亦大矣。興王之勢，其得無變乎哉？故不得據變形疑常勢，亦不得泥常勢概變形。

〔新詮〕

孔子爲儒學之宗師，然其形像頗視時代而轉移。春秋時代人心目中孔子乃係君子，至戰國則一轉而爲聖人。逮乎西漢，孔子一變而爲教主，至東漢而又成爲聖人。」（參考：顧頡剛，〈春秋時代的孔子與漢代的孔子〉，收入：《古史辨》，香港：太平書局據樸社1930年版重印，1962年第二冊，頁130-139）孟子在本章推尊孔子以其：（一）深刻掌握「時中」精義；（二）具備

民胞物與之胸襟（「行一不義，殺一不辜而得天下，皆不爲也。」）

就《四書集註》所見，朱子推尊孔子亦盛讚孔子出處行藏切中「時中」之義，依乎中庸至德（參《中庸章句集注》，第13章註）。除此之外，細按朱子推崇孔子之言論，則可發現朱子論孔子之德業頗注意於德與位之間的緊張性。朱子屢言，孔子雖賢，然不得其位，故不能行其道。然其裁成後學，繼往開來，其功反有賢於堯舜者。揆朱子之意，殆以德居位之上。以今語釋之，朱子實欲以德行學術提昇政治，而不欲見德行學術隨政治而下墮也。

曰：「敢問其所以異？」曰：「宰我、子貢、有若，智足以知聖人，汙不至阿其所好。宰我曰：『以予觀於夫子，賢於堯舜遠矣。』子貢曰：『見其禮而知其政，聞其樂而知其德，由百世之後，等百世之王，莫之能違也。自生民以來，未有夫子也。』有若曰：『豈惟民哉！麒麟之於走獸，鳳凰之於飛鳥，泰山之於丘垤，河海之於行潦，類也。聖人之於民，亦類也。出於其類，拔乎其萃，自生民以來，未有盛於孔子也。』」

[趙岐章句]

…孟子曰，宰我等三人之智，足以識聖人，汙下也。言三人雖小汙不平，亦不至阿其所好以非其事，阿私所愛而空譽之，其言有可用者，欲爲丑陳三子之道孔子也。

…以爲孔子賢於堯舜，以孔子但爲聖，不王天下，而能制作素王之道，故美之。如使堯舜之處，賢之遠矣。

見其制作之禮，知其政之可以致太平也。聽聞其〈雅〉、〈頌〉之樂，而知其德之可與文武同也。《春秋外傳》曰，「五聲昭德」，言五音之樂聲可以

明德也。從孔子後百世，上推等其德於前百世之聖王，無能違離孔子道者，自從生民以來，未有能備若孔子也。

塤，蟻封也。行潦，道傍流潦也。萃，聚也。有若以爲萬類之中，各有殊異。至於人類卓絕，未有盛美過於孔子者也。若三子之言，孔子則所以異於伯夷伊尹也。夫聖人之道，同符合契，前聖後聖，其揆一也，不得相踰。云生民以來無有者，此三子皆孔子弟子，緣孔子聖德高美而盛稱之也。孟子知其言太過，故貶謂之汙下，但不以無爲有耳。因事則褒，辭在其中矣。亦以明師徒之義，得相褒揚也。

〔朱子集註〕

…程子曰：「語聖則不異，事功則有異。夫子賢於堯舜，語事功也。蓋堯舜治天下，夫子又推其道以垂教萬世。堯舜之道，非得孔子，則後世亦何所據哉？」

〔焦循正義〕

…聖人與凡民異，是萬類各有殊異也。聖人在人類之中，本是卓然絕異於凡俗，是出於其類，拔乎其萃也。而孔子在卓絕之中，尤爲盛美。此所以異於伯夷伊尹也。蓋以黜、舍、告子之「不知求心、不知集義」，必要之於曾子之「自反」，自反而縮，則得百里之地而君，惟能朝諸侯、有天下；自反不縮，則行一不義、殺一不辜，得天下，皆不爲，是伯夷伊尹與孔子，皆自反而配道義矣。乃伯夷之「非其君不仕，非其民不使」，尙專於清；伊尹之「何仕非君，何使非民」，尙專於任。任之不已，則流於黜、舍；清之不已，則流於告子。故雖能「集義」，又必「量時合宜」，而要之於孔子之「可仕，可止，可久，可速」。《易》之道，大中而上下應之，此志帥氣之學也。分陰分陽，迭用柔剛，通其變使民不倦，神而化之使民宜之，此「可仕可止，可久可速」之學也。至於通變神化，而集義之功，極於精義，求心之要，妙於先心，此伏羲、神農、黃帝堯、舜、文王、周公相傳之教，孔子備之，而孟子傳之。惟得乎此，而詖、淫、邪、遁之言，乃不致以似是而非者，惑亂而昧所從也。

〔日韓注疏〕

中井履軒《孟子達原》第2，…賢於堯舜，亦以才德而言。若夫孔子之

教，萬世服從者，宰我豈能預料哉？且謂聖不異，則與下文子貢有若之語背馳。程子事功之說，不可從。亦舉業之臭味，可厭。…塗，土之高也。是丘之更小者，非蟻封。障者民也。萃者出類之羣聖人也。盛於孔子，猶言盛如孔子也。與賢於堯舜，文法正同。而語意稍異者，解在盛字。註，擴前聖所未發，擴字失當，不可讀。

〔札存〕

(一) 有若以鳳凰喻孔子，蓋良有以也。《論語·微子》：「楚狂接輿歌而過孔子曰：『鳳兮鳳兮，何德之衰，往者不可諫，來者猶可追，已而已而，今之從政者殆而。』」孔子下，欲與之言，趨而辟之，不與之言。」《莊子·人間世》：「孔子適楚，楚狂接輿遊其門曰：『鳳兮鳳兮，何如德之衰也！來世不可待，往世不可追也。天下有道，聖人成焉；天下無道，聖人生焉。方今之時，僅免刑焉。福輕乎羽，莫之如載；禍重乎地，莫之知遲。已乎已乎，臨人以德！殆乎殆乎，畫地而趨！迷陽迷陽，无傷吾行！吾行郤曲，无傷吾足！』」是時人皆以鳳爲孔子之象徵，孔子亦隱然以鳳自喻，《論語·子罕》：「子曰：『鳳鳥不至，河不出圖，吾已矣夫。』」《莊子·天運》：「孔子見老聃歸，…孔子曰：『吾乃今於是乎見龍！龍，合而成體，散而成章，乘雲氣而養乎陰陽。予口張而不能嘰，予又何規老聃哉！』」《藝文類聚》卷90：「老子見孔子從弟子五人，…老子嘆曰：『吾聞南方有鳥，其名爲鳳…』」古籍習見以鳳喻孔子，以龍喻老子，龍鳳係爲中華文化之祥瑞象徵。（關於這一點，另詳：聞一多，〈龍鳳〉，收入：氏著，《神話與詩》）。鳳凰正如古代中國神話中的若干動物一樣，具有溝通人的世界與祖先及神的世界的能力，《詩經·大雅·卷阿》：「鳳凰于飛，翩翩其羽，亦傳於天」，故有若以鳳喻孔子，實推崇備至也。又，古代中國人以麟、鳳、龜、龍爲「四靈」，《禮記·禮運》：「何謂四靈？麟鳳龜龍，謂之四靈。故龍以爲畜，故魚鮒不滌。鳳以爲畜，故鳥不穢。麟以爲畜，故獸不狃。龜以爲畜，故人情不失。故先王秉蓍龜，列祭祀，座繙，宣祝嘏辭說，設制度，故國有禮，官有御，事有職，禮有序。」《月令》並以四靈配四方。這四種動物均具曖昧兩可之特性，李亦園先生指出：「我國古代傳說中的所謂四靈，不論是神話動物或實存動物，都是暖

昧兩可，兩者兼有的動物，而我們的祖先並不似以色列人的祖先視之為可憎之物，卻認為它們因具有兩者之間的特性反而可以作為『溝通』之用，所以認為畜龍可以獲魚，畜鳳可以捕鳥，畜麟可以捕獸，其對於模稜兩可之類完全採取利用，實用的態度就更明顯了。」（李亦園，〈科學發展的文化因素探討〉，收入：《社會文化與科技發展研討會論文集》，臺北：行政院國科會，1983，頁72）。古代傳說中的「四靈」均是不易分類的動物，確如有若所說：「出於其類，拔乎其萃」就此一特性而言，以「麒麟之於走獸，鳳凰之於飛鳥」喻孔子之於凡夫，實有其文化史之背景在焉。

引用書目

(1) 中日文著作：

1. 趙岐注，《孟子》（四部叢刊初編縮本）。
2. 朱熹，《四書章句集注》（北京：中華書局，1982）。
3. 焦循，《孟子正義》（臺灣中華書局據學海堂經解本校刊）。
4. 陳天祥，《四書辨疑》（通志堂經解本）。
5. 孫希旦，《禮記集解》（臺北：文史哲出版社，1985）。
6. 陳湍，《禮記集說》（臺北：世界書局影印本）。
7. 張南軒，《南軒孟子說》（通志堂經解本）。
8. 王夫之，《讀四書大全說》（臺北：河洛圖書公司，1974）。
9. 牟宗三，《圓善論》（臺北：臺灣學生書局，1985）。
10. 李明輝，〈孟子與康德自律倫理學〉，《鵝湖》第153期（1988）。
11. 朱亦棟，《孟子札記》，收入：《無求備齋孟子十書》（臺北：藝文印書館，1969）。
12. 徐復觀，〈孟子知言養氣章試釋〉，收入：《中國思想史論集》（臺北：臺灣學生書局，1959）。
13. 錢穆，《先秦諸子繫年》（香港：香港大學出版社，1956）。
14. 宋翔鳳，〈孟子趙注補正〉，收入：《續經解四書類纂編（二）》（臺北：藝文印書館，1986）。
15. 張岱，《四書遇》（杭州：浙江古籍出版社，1985）。
16. 朱熹，《朱子語類》（北京：中華書局，1983）。
17. 杜正勝，〈古代刑獄雜考〉，收入：《中國史新論》（臺北：傅樂成教授紀念論文集編委會，1985）。
18. 睡虎地秦墓竹簡整理小組，《睡虎地秦墓竹簡》（北京：文物出版社，

- 1978)。
19. 梁啟超，〈諸子考釋〉（臺北：臺灣中華書局，1968）。
 20. 裴學海，〈孟子正義補正〉（臺北：學海出版社，1978）。
 21. 陳槃，〈漢晉遺簡識小七種〉（臺北：中央研究院歷史語言研究所專刊之63，1975）。
 22. 宋淑萍，〈孟子集註補正〉，《書目季刊》，第11卷第1期，1977。
 23. 親德秀，〈孟子集編〉（通志堂經解本）。
 24. 翁元圻注，王應麟《困學紀聞》（臺北：世界書局，1976）。
 25. 陳榮捷，〈王陽明傳習錄詳註集評〉（臺北：臺灣學生書局，1983）。
 26. 戴君仁，〈『不得於言勿求於心不得於心勿求於氣』別解〉，《孔孟月刊》第7卷第3期，1968。
 27. 勞思光，〈新編中國哲學史〉（臺北：三民書局，1981）。
 28. 朱公遷，〈四書通旨〉（通志堂經解本）。
 29. 周桂細，〈氣、元氣及其一元論〉，《中國哲學史研究》四（1983）。
 30. 李申，〈《氣》範疇研究〉，《中國哲學》，第13輯（1985）。
 31. 馮友蘭，〈先秦道家哲學主要名詞通釋〉，《北京大學學報》（人文学科），1959年第4期，四，〈氣〉條。
 32. 何丙郁，何冠彪，〈敦煌殘卷占雲氣書研究〉（臺北：藝文印書館，1985）。
 33. 何丙郁，何冠彪，〈中國科技史概論〉（臺北：木鐸出版社影印，1983）。
 34. 唐君毅，〈中國哲學原論〉〈導論篇〉（香港：新亞書院研究所，1966）。
 35. 蘇轍，〈孟子解〉，收入：《指海》第一集（守山閣叢書本）。
 36. 楊儒賓，〈先秦道家『道』的觀念的發展〉（臺北：國立臺灣大學文史叢刊(77)，1987）。
 37. 馬一浮，〈復性書院講錄〉（臺北：廣文書局，1971）。
 38. 王季星，〈行氣完劍珌銘文考釋〉，《學原》第2卷第3期。
 39. 饒宗頤，〈馬王堆醫書所見陵陽子明經佚說〉，《河南考古集刊》，1985：（二）。

- 40.黃宗羲，〈黃宗羲全集〉（杭州：浙江古籍出版社，1985）。
- 41.郭沫若，〈青銅時代〉（重慶：文治出版社，1945）。
- 42.杜國庠《杜國庠文集》（北京：人民出版社，1962）。
- 43.張舜徽，〈管子四篇疏證〉，收入：《周秦道論發微》（臺北：木鐸出版社，1982）。
- 44.陳榮捷，〈朱子門人〉（臺北：臺灣學生書局，1982）。
- 45.胡炳文，〈孟子通〉（通志堂經解本）。
- 46.俞樾，〈古書疑義舉例〉（臺北：泰順書局影印本）。
- 47.周亮工，〈因樹屋書影〉（臺北：漢京文化事業有限公司，1984）。
- 48.俞樾，〈孟子平議〉，收入：嚴靈峰編，《無求備齋孟子十書》（臺北：藝文印書館，1969）。
- 49.顧頡剛，〈春秋時代的孔子與漢代的孔子〉，收入：《古史辨》（香港：太平書局據樸社1930年版重印）。
- 50.聞一多，〈神話與詩〉（臺北：藍燈出版社影印）。
- 51.李亦園，〈科學發展的文化因素探討〉，《社會文化與科技發展研討會論文集》（臺北：行政院國科會，1983）。
- 52.丁若鏞，〈孟子要義〉，收入：《與猶堂全書》第2集（漢城：景仁文化社，1973）。
- 53.平岡禎吉，〈氣の思想成立について〉，《支那學研究》第13號（1955），頁34-42。
- 54.栗田直躬，〈上代シナの典籍に見えたる《氣》の觀念〉，收入：氏著，《中國上代思想の研究》，（東京：岩波書店，1948）。
- 55.小野澤精一、福永光司、山井湧編，〈氣の思想——中國にちける自然觀と人間觀の展開〉（東京：東京大學出版會，1978）。
- 56.伊藤仁齋，〈孟子古義〉，收入：關儀一郎編，《日本名家四書註釋全書》第9卷（東京：鳳出版，昭和48年）。
- 57.佐藤一齋，〈孟子欄外書〉，同上。
- 58.廣瀬淡窓，〈讀孟子〉，同上。

- 59.中井履軒, 《孟子逢原》, 收入: 《日本名家四書註釋全書》第10卷。
- 60.冢田大峰, 《孟子斷》, 收入: 《日本名家四書註釋全書》第10卷。
- 61.西島蘭溪, 《讀孟叢鈔》, 收入: 《日本名家四書註釋全書》第13卷。
- 62.平岡禎吉, 《淮南子に現われた氣の研究》(東京: 漢魏文化學會, 1961)。
- 63.席澤宗, 〈氣の思想の中國古代天文學への影響〉, 收入: 《東洋の科學と技術》(京都: 同明舎, 1982)。

(2)英文著作:

1. Ehrenberg, Victor, *The Greek State* (New York: W. W. New York: W. W. Norton & Company Inc., 1960)
2. Lau, D. C., "Theories of Human Nature in Mencius and Shun-tzy," *Bulletin of School of Oriental and African Studies*, 15, 1953.
3. Lau, D. C. tr., *Mencius* (H. K.: The Chinese University of Hongkong, 1979, 1984)
4. Legge, Jame tr., *The Work of Mencius* (Oxford at Larendon Press, BKII, n. d.)
5. Needham, Joseph, *Science and Civilization in China*, (Cambridge: Cambridge University Press, 1956), vol. II: *History of Scientific Thought*.
6. Sargent, Galen E., "Le débat entre Meng-tsou et Siun-tseu sur «la nature humaine», " *Oriental Extremus*, 3:1, July, 1956.
7. Schwartz, Benjamin I., *The World of Thought in Ancient China* (Cambridge, Mass.: Harvard University, 1985)
8. Siu, R. G. H., *Ch'i: A Neo-Taoist Approach to Life* (Cambridge, Mass., 1974)
9. Tu, Wei-ming, "An Introductory Note on Time and Tempora-

lity," *Philosophy East and West*, vol. 24, no. 2, April, 1974.

《孟子》知言養氣章相關研究書目

1. 若林強齋撰，《孟子浩然章講義》（鈔本），現藏日本二松學舍大學附屬圖書館。
2. 子出惟知撰，《孟子養氣章講說》（鈔本），現藏日本二松學舍大學附屬圖書館。
3. 山田方谷撰，岡本巍校，《孟子養氣章或問圖解》（東京惟明堂大阪支店排印本，明治34年）。
4. 山田方谷撰，《孟子養氣章講義》（鈔本），現藏日本二松學舍大學附屬圖書館。
5. 唐君毅，《中國哲學原論》〈原道篇〉（臺北：臺灣學生書局，1976）第5章，第6章。
6. 牟宗三，《心體與性體》（臺北：正中書局，1969），（三），第6章。
7. 徐復觀，《孟子知言養氣章試釋》，收入：《中國思想史》（臺北：臺灣學生書局，1959）
8. 勞思光，《中國哲學史》（臺北：華世出版社影印本，1975）
9. 武內義雄，《孟子》，收入：《武內義雄全集》（東京：角川書店，1978）。
10. 錢穆，《朱子新學案》（臺北：三民書局，1971），第二冊。
11. 戴君仁，《孟子知言養氣章》，收入：《大陸雜誌語文叢書》（臺北：未著出版時間）。
12. 韋政通，《中國哲學辭典大全》（臺北：水牛出版社，1983）〈知言養氣〉條。
13. 錢穆，《四書釋義》（臺北：臺灣學生書局，1978再版），頁55-159。
14. 錢穆，《宋代理學三書隨劄》（臺北：東大圖書公司，1983），頁71-

74。

- 15.李澤厚，〈中國古代思想史〉（北京：人民出版社，1985）頁 50-51。
- 16.蔡仁厚，〈孔孟荀哲學〉（臺北：臺灣學生書局，1984）頁26-274。
- 17.黃公偉，〈孔孟荀哲學證義〉（臺北：幼獅書局，1975），第18、21及22章。
- 18.陳拱，〈孟子論不動心與養氣〉，《東海學報》第5卷第1期，頁 41-54。
- 19.弓英德，〈孟子養氣章幾個疑難句子淺釋〉，《孔孟月刊》第2卷期1期。
- 20.毛準，〈孟子養氣章新校注〉，《中華文化復興月刊》第2卷第11期（1969）
- 21.左海倫，〈說孟子公孫丑篇中的『浩然之氣』〉，《東方雜誌》復刊第3卷第11期。
- 22.何敬羣，〈孟子知言養氣章研究〉，《人生》第196期。
- 23.周羣振，〈孟子知言養氣研究〉（上、下），《民主評論》第13卷第19、20期（1962）
- 24.陳大齊，〈孟子『浩然之氣』淺釋〉，《國立政大學報》第9期（1964）
- 25.楊一峰，〈孟子浩然之氣淺測〉，《孔孟學報》第22期（1971）
- 26.蔡仁厚，〈孟子知言養氣章闡義〉，《文藝復興》第15期。
- 27.黃俊傑，〈朱子對孟子知言養氣說的銓釋及其迴響〉，《清華學報》，第18卷第2期，1989年。
- 28.吉永慎二郎，〈孟軻の不動心の思想史的意味〉，《日本中國學會報》第37集（1985）
- 29.平岡禎吉，〈氣の思想成立について〉，《支那學研究》，第13號（1955），頁 34-42。